

四庫全書

史部

欽定四庫全書

史部

御定資治通鑑綱目三編卷十五

六

詳校官編修臣溫汝道

編修臣裴謙覆勘

總校官舉人臣章維桓

校對官編修臣馮敏昌

謄錄監生臣李馥香

欽定四庫全書

御定資治通鑑綱目三編卷十五

起己亥明憲宗成化二十五年盡
于未明憲宗成化二十三年

凡九年

己亥十五年春二月脩開國功臣墓

南贛禮部督勸吳等忠等十三人墳墓俱在南京
城外文惠曾孫李芳等以歲久頽壞為言請命工修
治帝所其奏具全無贖實我明寶錄勲臣十三人為
後者置守塚二人
馬國用吳復俞通海康茂才趙德勝丁德興張德勝
吳禎吳良明年後命南京工部修耿再成墓從其曾
孫俊之請也

夏四月以方士李孜省為太常寺丞

孜省初為江西布政司吏覲法受贓既厯京考得冠帶而贓事發當褫為民匿不歸時帝好方術孜省乃學五雷法厚結中官梁芳錢義以符籙得幸中旨授太常寺丞御史楊守隨言祖宗官人之制必考素行是以奸利衰止流品不清李孜省故犯贓之吏其資格則刀筆也其情罪則胥靡也太常職司祭祀厥選尤重奈何用此贓穢罪人以瀆事天地宗廟給事中李俊亦以為言帝不得已為改上林苑監副然寵幸日甚賜以印章二曰忠貞和直曰妙悟通微許質實密封奏請孜省因與梁芳表裏為奸干亂政事

李俊字子英岐山人李孜省南昌人

五月下兵部右侍郎馬文升于錦衣衛獄謫戍

文升既撫定遼東還賚以牢醴理部事如故而陳鉞
終欲徵功歸罪復激變失事為言官所劾遣汪直偕
定西侯蔣琬尚書林聰往勘之會兵部亦以激變劾
鉞鉞疑出文升意傾之益急直故惡文升而庇鉞欲
却其罪因奏文升行事乖方禁互市農罷故致邊患
然文升竄禁市軍器非農器也琬聰畏直勢不敢異
奏皆如直言遂逮文升下錦衣衛獄謫戍重慶衛并
詰責言官容隱不劾奏廷杖李俊等五十六人鉞既
傾文升遂諷直請于帝大發兵樹邊功是年冬以撫
寧侯朱永充總兵官直監軍鉞贊軍務帥師出遼東
塞遇貢使六十人掩殺之更發墓斲髑髏以張級數
捷聞封永保國公增直歲祿陞賞者二千六百餘人
鉞亦論功晉右都御史質實重慶衛在重慶府西洪
尋代楊鼎為戶部尚書武六年置隸四川都司
蔣琬江都人定
西侯貴之孫

秋七月太監汪直行大同宣府邊

宣大鎮巡官屢報寇將授邊兵部惠們都塔伽嘉色
凌盜銳南侵請敕重臣往視邊備然是時伽嘉色凌
已為其族弟伊斯瑪音所謀殺部下內亂竄無意
南侵鎮巡官言邊警莫虛張守禦功以覲賞也而兵
部未知伽嘉色凌死遽信邊臣言乃有是請帝竟命
直往所至飾厨傳供張百里外都御史服橐鞬偕其
屬伏道左泥首迎謁須過乃敢起至館易服請見膝
行起居叱之出乃唯唯退左右索賂不貲各傾幣以
給之邊備為之空

九月播州諸蠻作亂

先是播州宣慰使楊輝欲立庶長子友為嗣長官張
淵阿順之安撫宋箒等諫乃止輝致仕帝命輝適子

受嗣輝以友不得襲職謀割地予之問計于淵淵勸
輝取生苗所據天壩干灣溪等砦授友長官韓瑄以
苗不為亂諫母征收輝怒與淵計執瑄杖殺之而以
苗亂聞于朝乞令湖廣貴州會兵進討廷議以輝難
獨任宜敕四川巡撫張瓚督其軍瓚至播州與輝攻
敗諸苗請于灣溪設安寧宣撫司即以友為之時成
化十二年也天壩干等砦雖舊隸播州以僻阻棄不
問生苗耕其地居之與鄰壤諸蠻安輯日久既立宣
撫爛土蠻惡其逼遂煽諸蠻作亂攻圍安寧愛友力
弗支求援于川貴二鎮兵部乃奏起輝統兵以勦收
川貴兵助之已而天壩干賊首齋果復糾合九姓豐
寧及荔波賊萬人攻剽愈亟帝責諸守臣玩寇命鎮
守太監張成總兵吳經質實灣溪蠻砦名地在今平
相機勦撫迄莫能靖也越府黃平州廢重安司
境天壩干亦蠻砦名地在今遵義府廢播州司境爛
土長官司明洪武十六年置地今在獨山州東一百

十里豐寧長官司明洪武二十年置地在今獨山州
南一百十里荔波宋羈縻州元屬南丹安撫司明洪
武元年併入思恩縣十七年析置荔波縣隸廣西慶
遠府正統十二年改屬南丹州孝宗十七年改屬河
池州 本朝雍正十
年改隸貴州都勻府

庚子十六年春二月逮河間府知府滕佐等罪之

中官陳喜以事出河間會歲饑知府滕佐偕其屬分
振所部失迎謁郵傳倉卒治供張又不當喜意喜怒
歸白于帝乃命逮佐 質實 滕佐字輔
等至京罪謫有差 臣臨兆人

王越襲韃靼于威寧海子破之

初越紅鹽池之捷自謂當得封爵尚書白圭持之叙
不踰常格心憾甚既而汪直用事越于西征識其黨

韋瑛遂破名檢因瑛以交直屢嗾直立遣功固寵直之構鑿遼東越私于朱永諷其薦已督師為陳鉞所阻鉞驟寵心益艷之會延綏守臣有言敵騎將渡河犯邊者越喜甚乃說直請出師詔以永為將軍直監軍越提督軍務越偵知敵無犯延綏意河冰泮方移帳威寧而惡遼東之役永不援已與偕也乃以計絀直奏令永帥師由南路已與直將輕騎循塞垣而西俱會榆林越至大同告直以敵帳所在盡運宣大兩鎮兵二萬出孤店分數道進值大風雨雪晦冥潛行至威寧海子時伊斯瑪音等不為邊患不虞師之猝至相顧驚愕壯者倉卒乘馬避因殺其老弱報首功四百三十餘級獲馬駝牛羊六千師不至榆林而還永至榆林不見敵無功由是增直歲祿越封威寧伯提督團營領都察院事如故

質實

一統志威

寧海子在今正黃旗察哈爾南其西南舊有威寧城金時故縣也孤店闕名在大同縣東北

三月詔減光祿寺供奉

時京畿山東游饑諭禮部曰比歲以來順天北直隸山東府縣旱潦相仍朕甚憂之書曰民惟邦本本固邦寧朕重賴吾民供奉玉食于上而吾民有不飽半菽者日當典膳進御輿念及此為之輟食其令被災府縣應微入光祿寺供用量為減省自今有可恤吾民者具悉以聞

夏六月巡按遼東御史強珍劾陳鉞罪不問

初御史王崇之巡按遼東劾巡撫陳鉞啓釁召敵鉞大忌謀之汪直以崇之受都指揮庭叅不為禮坐違制下錦衣衛獄輸贖調延安推官及直鉞用兵方論功而敵大入鉞與鎮守中官韋朗等匿不以聞鉞既召入為戶部尚書朗始入告珍往巡按得其狀請正鉞等欺罔罪事下兵部尚書余子俊覆奏如珍言帝

乃命停鉞等歲祿都給事中吳原御史許進言鉞罰
不赦罪恐自此邊將效尤疆事日壞語甚剴切帝是
之而卒置質實強珍字廷貴滄州人王崇之臨海人
殲等不問質實吳原字道本漳浦人許進字季升靈
人

秋八月申存恤孤老之令

戶部言大興宛平歲廩孤老七千四百九十餘人凡
贍糧二萬六千九百餘石布如人數近有司疎于稽
察董其事者日肆侵牟無告之民不濡實德宜敕府
尹月再巡視俾惠澤下流毋負朝廷惻隱至意帝俞
其請且詔天下有司殫心存恤所質實大興金以折
在巡按御史廉其怠者奏聞治罪津縣改置宛
平遼以幽都縣改置明
並為順天府治今因之

太監汪直逮治御史強珍于御馬監以中旨謫戍之

直方自矜遠東功聞珍指為啓釁劾戍罪怨之會直
閑邊還戍郊迎五十里訴珍誣已直孟怒奏珍所劾
皆妄遣錦衣千戶蕭聚往勘械赴京比至直繫治珍
于御馬監榜掠備至然後奏聞命法司廷鞠皆不敢
忤直意坐以奏事不實當輸贖直心未懌降中旨罪
珍欺罔謫戍遠東而免戍等所停歲祿責兵部言官
先嘗劾戍者
各停祿三月

發明

御馬監非鞠戍之地也借使珍有罪豈無朝
廷三尺法在直顧擅執而私榜掠之其弁髦

紀綱甚矣陳鉞啓釁邊陲敢于隱飾停祿之愆已
為軼罰而直甫還朝遽寢前命反移邊臣欺罔之
罪以罪言官詔令發施若操
其手太阿之柄果安在哉

冬十二月韃靼犯大同

伊斯瑪音自成遠衛入犯報威寧海子之役也大同鎮守官告警復命朱永汪直王越率京軍禦之明年三月捷還加直歲祿三百石永世襲爵進越太子太傅明制文臣不得封公侯越從勲臣例改掌前軍都督府自是真為武人且望侯矣

丑辛十七年春正月以方士顧珏為太常寺少卿

珏以扶鸞術得幸屢繇傳奉為太常丞至是晉少卿逾月喪母乞祭誥故事四品官未三載無給誥賜祭者帝特予之未幾進本寺卿時李孜省用事珏與趙玉芝凌中倚以為奸玉芝亦善方術因中官高諒進中善書給事文華殿三人者皆累擢至太常卿權勢稍亞于孜省而廷臣艷其寵頗諂附之珏之為母乞

徐誥也尚書尹旻欲獻媚于玗因請並給誥贈其父
其二子經綸尋亦以中旨授官帝方崇信左道故玗
等致榮質實顧玗大興人大德顯靈宮廟祝
顯如此也趙玉芝番禺人凌中史未詳

二月南京地震

是月十日甲寅也鳳陽淮安揚州和州及山東河南
州縣同日皆震禮部言考之傳記春動者饑二月動
者水今地動踰千里況鳳陽南京宗廟社稷所在關
繫尤重乞救有司恤宥矜寡施德澤以弭災異廣儲
蓄以備歲凶修渠
堰以防水患從之

夏四月旱風霾

敕羣臣
修省

中涓錄囚濫觴
于正統體統凌
夷已非一日但
熱審朝審之制
自永樂以來守
而不變何至憲
宗竟盡改舊章
概行罷廢而以
會歡大典專任
宦官廷臣遂無
由過問紀綱側
置甚矣况其矜
疑放遣較常倍
增則由若輩欲
假姑息博美名
不復顧明刑本

命司禮監同法司錄囚

時遣太監懷恩同三法司錄囚自是丙辛之歲內臣
審錄以為常謂之大審南京則命內守備太監行之
初成祖定熱審例決遣輕罪仁宗命閣臣會審重囚
英宗又命三法司同公侯伯會審謂之朝審至帝罷
閣臣預審之制而內臣大審
質實 按明史刑法志成化
所矜疑放遣常倍于熱審
時會有弟助兄鬪
因毆殺人者太監黃賜欲從末減尚書陸瑜持不可
賜曰同室鬪者尚被髮纓冠赦之況其兄乎瑜不能
難卒為屈法考瑜于成化八年致仕賜于十三年以
汪直譖被斥則憲宗之遣內官會審不自是年始矣
特是年始定為
大審之例耳

五月鞫犯宣府

意滋縱之失豈可勝言乃權勢既崇法司惟視其意指則其所寬者必其通苞直者也不然必甚流離貧賤與彼無涉者也而其所嚴者必其有讐隙或受囑託而欲致之于死者也國法尚可問乎而史家猶以多所矜放為美真不識事體之甚矣

命汪直監督軍務王越為將軍充總兵官禦之比至敵亦退因留屯其地詔所在鎮巡官聽直越節制至冬請班師而其時直已為尚銘所間寵漸衰請之再不許尚銘者東廠中官也始因直進附于直直之還自威寧會有盜西內物者帝命廠校索之急而東廠捕得盜銘以聞帝大喜賚銘甚厚直惡其自以為功也曰銘敢負我銘聞之慮將傾已謀發直事以先之直初與王越甚昵時或洩禁中語于越後直主陳鉞議用兵遼東言官多以啓釁劾鉞鉞方領都察院事不能制也而鉞譖于直謂皆越所嗾者直怒而窘辱越越挾前所洩語以抵之直乃沮尋兩人意釋交如初顧所洩語頗聞于人銘廉得之乘直監軍于外白諸帝帝于是始疑直不欲直還而陳鉞未之知也時鉞以余子俊憂去方代長兵部遂復為直請班師帝切責鉞直越乃大懼

六月雨雪

是月十九
日癸亥也

秋七月雷震郊壇

是月二十五日己亥也前十三日丙戌南京大風雨
社稷及太廟殿宇皆摧十一月丁酉南京復大雷雨
雪

八月以方士李孜省為右通政

命寄俸于通政司仍掌上林苑事同官王杲惡其奸
邪亂政遇之無加禮孜省銜杲譖于帝左遷太僕少
卿故事寄俸官不預郊壇分獻帝特以命孜省實
省大臣懲杲事無執奏者居二年進左通政
質實王杲

靈壁人

發明

甚矣憲宗之遜過也前二年命孜省為太常卿以揚守隨之諫而改官上林是憲宗既知

孜省為賊穢罪人不可以典祭祀矣而竟復用為右通政俾預郊壇分獻則明知其不可而故蹈之也夫孜省之得幸于憲宗以善方術耳左道亂政法所必誅乃憲宗且崇之信之羣邪蔓引相倚為奸二十一年星變求言始免從廷臣之議復貶孜省上林丞而旋貶旋罷甫及再期遽貶秩宗甚至劉敷李裕援之而進馬文升楊守隨擠之而退戚福忠行朝野側目亂政之極一至是哉厥後嘉靖時邵元節陶仲文之徒與如出一轍者傳曰作法于涼憲宗之謂已

冬十月以道士鄧常恩為太常寺卿

帝恩因中官陳喜進日漢帝祀淫祠帝曲聽之是時
嶽鎮海瀆諸祠並置石函周以符篆中藏金書道經
一卷雜貯金銀錢寶石及五穀為厭勝皆常思所
為也後孝宗即位從都御史馬文升言乃毀之 實

實

鄧常恩
臨江人

壬寅 十八年春二月太監郭文殺沛縣民詔逮知縣馬時

中于獄謫之

文自南京還過沛怒時中治供張不時榜掠時中子
不勝楚溺于河時中赴救之起呼冤文益怒褻時中
衣繫以行縣民憤甚繞船大呼厲叱之不逞文使家
人待兵擊之殺二人時中訟于朝而帝先入文懇命
錦衣衛械時中至京謫降廣西慶遠府經歷未幾有
尚籍監中官齎薦新節物道出南旺湖辟行舟或避

之緩縛其人懸于牆窖之死管河右通政楊恭以聞
命刑部郎朱守孚往勘守孚右中官請治恭等巡河
不能禁約之
質實
楊恭岐山人朱
守孚桂陽人
罪帝皆不問

三月振南直隸山西饑

先是淮陽巡撫張瓚以鳳陽淮安饑入告發兩淮鹽
直五萬振之至是南京給事中劉璣復告南直隸諸
府州災命以淮安常盈倉糧三萬石振鳳陽以蘇松
常鎮四府歲儲餘米徐州廣運倉糧一萬石各振其
地之民以南京常平倉糧三萬石賑應天滁州以揚
州鈔關及稅課司夏李應征之鈔準費納米賑淮安
揚州救瓚與蘇松巡撫王恕董其事時山西大同亦
饑戶部主事汪洪奉命往徵邊儲知其狀疏請緩徵
并乞命山西巡撫何喬新大同巡撫郭登撤所
屬賑恤從之既而畿內山東饑復遣使分賑
質實

汪直藉西廠以肆毒王越陳銑倚瑞勢以橫行朝臣豈無聞見何竟藉口不言使非阿丑以滑稽進諫憲宗終無由覺悟曾是盈廷察案乃優伶之不若乎迨巨蠹既去始撫拾陳言聯章請罷西廠事後之論誰則不能而建言者猶靦然自居于抗直亦

何喬新字廷秀江西廣昌人
劉璣臨清人汪洪大興人

罷西廠

先是有小中官阿丑者工俳優一日于帝前為醉者嫚罵狀人言駕至嫚如故言汪太監至則避走曰今日但如汪太監也又為直狀操兩鉞趨帝前曰吾將兵伏此兩鉞耳問何鉞曰王鉞陳鉞也帝听然而笑稍稍悟然廷臣猶未敢攻直也自尚銘既發直越友通狀命留鎮宣大不許其班師旋又召還京營將士改直越專鎮大同寵日替言者始交章請罷西廠未報可閣臣萬安知銘日譖直於帝帝雖未俞言官請意固欲罷之乃上章極言東廠法制之善人易遵循西廠事出權宜當革從之安以西廠既罷直與已不兩立而王越多智數恐其謀直謀復入尋請調越延綏以離之於是直勢益衰

可醜矣

陳鉞有罪免

右軍都督馬儀言鉞撫遼東時侵牟帑金交結近侍以希擢用私役軍官入京詞事擅殺貢使乾沒其方物與汪直誣陷侍郎馬文升御史強珍謫戍其子澍冒功授錦衣千戶亦倚勢為奸利事下都察院請遣官按之時帝已知鉞為直黨儀所劾鉞罪皆實然馬文升諸人之謫雖由鉞等所搆實帝命也頗惡儀言及之不欲究其事乃令鉞致仕去調質寶明史兵志澍于永平衛右所而儀亦南京間住質寶永平衛隸後軍都督府

夏四月哈商復哈密城

哈商寄居苦峪十年至是率所部兵八千六百人糾罕東赤斤二衛衣襲哈密城破之伊蘭適乘勢連復

八城逆居故土總兵官王璽巡撫王朝遠奏其事帝喜賜勅嘉獎朝遠因請封哈商為王廷議不從乃進

左都
督 質實

王朝遠名漢以
字行進賢人

以鉛山縣知縣張昂為監察御史

昂性廉明善治獄所雪冤獄至多政聲達于朝故有是命時與昂相先後以治行稱者有陳鋼丁積皆能興民利而除所疾若所在民懷之然二人竟終郡縣吏 質實 鉛山唐置場南唐

武初復為縣屬廣信府今因之張昂字仲明其先慈谿人後徙於鄞其令鉛山時邑有嫁女者及壻門而失女訟于前令不能決昂至行縣界見大樹妨稼欲伐之民言樹有神巢其顛不聽率眾往伐有衣冠三人拜道在昂叱之忽不見比伐樹血流出樹間眾懼欲止昂手斧之卒仆其樹則二婦人墮焉一即前所

失女也有巫以隱形術宣淫邑中曷執巫痛杖之無所苦己並巫失去曷馳縛歸卽巫背鞭之立死乃盡毀諸淫祠嫠婦子為虎所噬其母訴于曷曷齎戒檄城隍神期五日必驅虎至縣庭聽訟及期二虎伏庭下曷叱曰孰傷吾民法當死無罪者去一虎起斂尾去一虎伏不動曷射殺之以昇嫠婦曰虎抵而子死矣陳鋼字堅遠應天人黔陽知縣縣城當沅湘合流數決壞廬舍鋼募人採石甃隄千餘丈水不為害南山厓官道數里徑仄甚行者多墮厓死鋼積薪燒山沃以醴拓徑文許行者便之鋼病民爭籲神願減己算蓋鋼壽遷長沙通判及卒黔陽長沙並祠祀之丁積字彥誠寧都人新會知縣宦者梁芳邑人也時方用事其弟長橫于鄉官吏莫敢誰何積捕之繫獄由是權豪屏迹令甲民出錢輸官供役曰均平錢其後吏貪復使甲首出錢供用曰當月錢貧者至鬻子女積一切杜絕歲大旱築壇以禱祈夕伏壇下者八日

雨大澍而積遂得疾以卒士民聚哭于途一嫗哭極哀或問之曰來歲當甲長丁公死無以聊生矣

六月韃靼寇延綏擊敗之

伊斯瑪音寇延綏都指揮劉寧敗之于塔爾山巡撫何喬新指揮同知支玉敗之于天震梁中嘴千戶白道山敗之于木瓜園總兵官許寧敗之于三里塔叅將周璽游擊董升等敗之于黑石崖時寇扼于邊牆不得出質實一統志塔爾山在葭州西北上有小塔遂大衄質實因名天震梁中嘴在山西保德州河曲縣北木瓜園在葭州府谷縣北三里塔在榆林縣北黑石崖在保德州西南下臨黃河劉寧字世安山陽人支玉聞喜人周璽字廷玉遷安人

秋八月大水

衛漳漳沱並溢河南靈雨自六月至于是月漂損廬舍三十一萬四千二百餘間渰死居民一萬一千八百餘人
質實 明史河渠志漳水出山西長子曰濁漳樂平曰清漳俱東經河南臨漳由直隸真定河間趨天津入海其分
流至館陶與衛河合

閏八月逮中都留守指揮郭玉下吏

王上言守備中官徇奴隸之言掣諸司之肘決獄惟貨多不以情請罷勿設便帝以臨濠乃祖宗根本地特命中官往鎮寄以守備之權循祖制也王何敢議罷革下巡按御史逮問妄奏之罪

詔天下刑官毋滯訟

山西巡撫何喬新劾按察僉事尚收劉源視獄多滯乃下詔曰刑獄重事也周書曰要囚服念五六日

至于旬時益言慎也今有司乃或廢厥職推鞠不以時凡罪因應省釋者亦桎梏而久囹圄之若一旦痰死則是有司殺之矣喬新言是其即治敬源曠官罪自後有司滯訟半年以上者所在巡按御史奏聞逮治令天下刑官勤
質實
尚敬臨潁人
決讞以副朕意
劉源宛平人

冬十二月文華殿大訓成

以教太子也書凡二十八卷列綱四曰進學曰養德曰厚倫曰明治帝親製文升其首命詹事彭華中允周經等進講于太子太子并起立拱聽萬安以為勞謂講官宜跪請坐聽華與經不從竟得如禮
質實

質實 周經字伯常陽曲人按明憲宗實錄書既成帝親序之復題其後曰朕臨馭以來兢業圖治十有九年于茲蓋嘗因早郊禱惕于星變肆赦海內葺郊壇以奉大祀增籩豆樂舞以禮先師廣進士之額重老

臣之歸加養濟窮民之康開武學儒生之貢減糶出賑以濟民饑恤刑審錄以清訟獄修文究武飭內攘外朕宵旰靡遑慮功業之未茂也夫為治之道舉綱必挈其要張目必該其凡是編所述庶幾盡之爾尚究心副朕豫教之意念之哉

癸卯

十九年春二月錄故大理寺丞鍾同子為通政司知

事

同景泰中御史以疏請復儲杖斃錦衣衛獄英宗復辟追贈大理寺丞錄其長子起為國子生至是帝念同死于忠義雖已蔭一子未足酬之詔賜越一命給同妻羅氏月廩越同次子也尋賜同諡恭愍從祀吉安忠節祠同少時嘗過祠下見所祠歐陽修楊邦乂諸人歎曰死不入此非丈夫也竟如其初志云

三月禁太監中鹽牟利

自成化二年太監李棠始開中遼東鹽萬引既而梁芳有寵假市珍玩名侵盜庫金以數十萬計不足則給以鹽前後賜芳兩淮餘鹽存積鹽不下數十萬引怙帝寵所請乞無不允諸內臣相率效之尋戚畹家人亦有希恩妄乞者帝皆曲從其請計臣不能執爭凡所乞中鹽至無算商引壅不行邊儲日匱至是中官王鈿復請支河東鹽二萬四千引帝始厭其擾曰祖制內臣無私產矧敢牟利中鹽乃命戶部榜諭禁之

質實

明史食貨志洪武定額兩淮歲辦大引鹽三十五萬二千餘引弘治時改辦小引鹽倍之

所輸遼甘肅延綏寧夏宣府大同遼東固原山西神池諸堡歲入太倉餘鹽銀六十萬兩浙歲辦大引鹽二十二萬四百餘引弘治時改辦小引倍之所輸遼甘肅延綏宣府大同葭州歲入太倉餘鹽銀十四萬

長蘆歲辦大引鹽六萬三千一百餘引弘治時改辦小引十八萬八百有奇所輸邊宣府大同薊州歲入太倉餘鹽餘十二萬河東歲辦小引鹽三十萬四千引弘治時增八萬引歲輸寧夏延綏固原餉銀三萬六千餘兩凡大引四百斤小引二百斤餘鹽者竈戶正課外所餘鹽也存積鹽者正統時從巡撫周忱議以淮浙長蘆鹽十分為率八分給守支商曰常股二分收貯于官遇邊警始召商中納謂之存積

夏五月詔罷京軍雜役

時汪直報大同寇警請調京軍赴援兵部尚書張鵬以邊兵四萬已足守禦奏止勿遣因言京軍所以控敵近年工役頻繁未遑訓練粹有微發恐不足用乞罷遣歸營以蓄銳氣時盧溝隄岨及京倉通州倉諸役一時並興是年春又命襄城侯李瑾督軍萬人修大慈恩寺凡團營見軍九萬三千四百有奇更番赴

延綏之役敵勢
頗張劉寧等如
果分路克捷扼
于邊牆大綱之
後自應稍知慙
懼何南踰年復

秋七月韃靼寇大同官軍敗績

子上舊名海印寺

工者至五萬二千人故騰言及之會保固公朱永復
以為言帝乃詔罷京倉之役餘令趣工速竣即休舍
之然于時團營獎日滋營帥中官習以軍士供私役
謂之應役市井游販之徒以賂竄名軍籍憚營操征
調率賄將弁祈免謂之買閒而提督守營諸官又詭
以空名支餉缺伍輒以萬計尋定西侯蔣琬奏其狀
帝命懷恩偕戶部尚書余子俊閱實之獎迄莫能革也

質實

明一統志大慈恩寺在順天府西海

延綏總兵官許寧既與王越易鎮至大同以爭坐不
協于汪直巡撫郭鏗以閒調直御馬監別遣中官蔡
新代鎮守時諜者屢告邊警鏗問戰守計于寧寧皆
不應小王子驟率兵三萬大入連營五十里寧既未

侵掠大同則前此之虛妄可知矣至許寧以持重飾其畏蕙及官軍覆潰復敗掩敗為功豈可不加顯像以作士氣乃僅予降官間住實為繼惡失刑軍政之壞至明季而極矣

有備禦猝見敵至勢方盛不敢櫻其鋒乃欲示以持重伺其情遂擊之因歛兵城守而令副將劉寧堃升軍西山周璽屯懷仁相犄角敵偵知寧無能為遂繼兵大掠焚代王別墅王趣戰使衆哭于轅門寧猶不聽適有人自京師至者服佩頗異守門卒報云行事校尉來矣寧不得已與璽新等將中軍營城外寇以十餘人為誘新部騎馳擊寧將士爭赴之遇伏大敗死者千餘人劉寧堃升聞中軍失利督衆自守敵圍之數重幾陷發礮擊敵圍乃解璽自懷仁還兵援之道遇敵乘勝前銳甚璽厲將士曰今日有進無退大呼陷陣敵少却久之短兵接臂中流矢援鏃戰益急與子鵬及麾下將士擊殺數十人會劉寧兵至中軍潰卒亦稍集敵乃退而寧竟掩敗以捷聞敵既得利長驅入順聖川宣府巡撫秦紘總兵周玉力戰却之已而巡按御史程春震發寧敗狀寧與鏜新俱下質獄鏜降六官新以初任降三官寧降指揮同知閑住質

寶

西山亦名雷公山方輿紀要云在大同府西北十五里後唐清泰末雲州軍亂節度使沙彥珣走西

山據雷公口即此懷仁遼縣明屬大同府今因之順聖川在今宣化府西寧縣東代王代簡王桂曾孫惠

王成鍊也成化二年襲封秦絃
字世纓單縣人程春震雲夢人

八月太監汪直以罪貶王越免

言官劾直八罪一負恩欺罔二冒功濫叙三虧盜帑
金四誣善獎奸五擅作威福六招納無籍七朋邪亂
正八妄開邊釁詔從末減貶直南京奉御王越以黨
直奪誥券編管安陸州二子以功蔭得官者皆削籍
戴綉吳綬並斥為民韋瑛前已調萬全衛陳越亦先
致仕皆不問明年瑛欲邀功希復用誣報衛人劉德
輿謀不軌覆驗之妄惡其
稔惡誅之直後竟得良死

九月妖人王臣伏誅

中官王敬挾千戶王臣等採藥江南臣以妖術為敬所信倚敬勢矯旨括民間珍玩因奪室女繼淫所至騷然長吏多被辱至蘇州召諸生寫妖書辭不赴即令有司捕繫至驛中亂箠之諸生大譁敬奏其抗命下巡按御史逮問巡撫王恕亟疏論敬等罪敬亦誣奏恕并及常州知府孫仁遂械仁至京恕抗章申救三疏勅敬會中官尚銘訴敬諸不法狀乃下敬等獄戍其黨十九人棄臣市傳首江南仁得釋歸諸生從輕擬質實孫仁新輸贖塗人

發明

汪直王敬之橫恣甚矣憲宗一旦譴斥時共快之然商輅發直之奸甫踰月而直復用王

恕論敬之罪至三疏而敬自如時以尚銘一言譖訴乃始貶直而下敬于獄則憲宗之譴斥宦官者

仍以信任宦官直敬貶而尚銘用事銘固直敬之類也厥後梁芳之廢以蔣琮劉瑾之誅以張永亦皆其類之自相傾軋而非在上者果能察其亂政務決去之此明世宦官之禍所以蔓延而不可圖也

名陳獻章為翰林院檢討尋乞歸

獻章舉正統中鄉試再上禮部不第從吳與弼講學居丰載讀書窮日夜不輟築陽春臺靜坐其中數年無戶外跡久之復游太學祭酒邢讓重之颺言于朝以為楊龜山復出由是名籍甚京師尋復歸四方來學者日進廣東布政使彭韶總督朱英交章薦召至京令就試屢辭疾不赴疏乞放歸田里就醫奉母乃授檢討質實邢讓字遜之襄陵人按王世貞弇山堂別集云尹直瓊綴錄謂邱濬修憲宗實錄以

陳獻章作十絕句媚梁芳自是為世所鄙而薛應旂
憲章錄因之謂出張元禎筆攷實錄謂獻章貌謹厚
詩文亦有可取者然于理學未完也一時好事妄加
推尊形諸薦奏雖其鄉里前輩以德行文章自負者
亦疑之及授官歸沿途擁騶從列伏眾揚揚得志而
去其歎獻章亦甚矣第不載十絕句媚梁芳事而所
謂鄉里前輩者蓋謂濬也若出濬筆不當隱然以前
輩自謂元禎庶幾為近又云張元禎貽書誦與弼有
豈容先生久竊虛名語事亦與其纂修實錄甚詆獻
章相類瑣綴錄固誣妄不足信而元禎以譽望自負
于獻章之躬行心得者不可同日語忤心誣
詆所謂蚍蜉之撼大樹多見其不知量也

旌表僧繼曉母朱氏

繼曉以秘術因梁芳進封國師其母朱氏本娼
家女也繼曉日陳乞旌詔不必勘覈遽旌其門
質實

旌門之制所以
闡幽維化使茅
簷白屋貞苦節
者咸得荷被恩

施故再醮之婦
即不得與蓋以
勵從一之義別
擇不可不嚴也
繼曉母本出娼
家實為齊民所
不齒乃以繼兒
陳乞竟得濫邀
綽楔之榮褻國
典而玷彞章于
斯已極憲宗令
不必勘覈似亦
知其於成例有
違顧曲徇私恩
妄行表宅何以
立綱常風化之

繼曉江
夏人

冬十二月都給事中王瑞御史張稷等請罷傳奉官

帝即位之二月始命內臣傳旨授官左右近習如梁
芳輩遂立門戶引進私人至是傳奉益濫瑞因倡同
官上言爵賞天下公器自非公德才能難以弋獲近
年倖竇如達鴛榮若市恩綸內降始忝竊于藝術之
人今則更及無庸胥吏矣武階詹叙始冒濫于內使
之家今則更及外方白丁矣下至廝養賤夫市井童
稚並得夤緣除授玷列朝班名器之褻于茲已甚乞
悉行革絕稷等亦言傳奉各官至有逃軍逋囚贓官
貪吏易姓名匿罪狀而冒進者帝覽奏頗悟命自今
續請希恩者罪不宥于是降李孜省二秩他貶黜者
又十二人朝野稱快明年八月罷閒職吏周璉以善
星命干梁芳得召遂傳奉如故而孜省亦復還左通

關乎

政質實

王瑞字良璧望江人張稷寶應人周璉廬陵人

發明

明之有傳奉官蓋即漢所謂西邸之爵唐所謂斜封之官宋所謂內批之降也憲宗時宦

官方士相倚為奸匪人因之而進然猶曰為羣小所蒙耳今一旦因瑞稷之言大為感悟自無復再誤之虞禁令方中尋即召用即知之而復蹈之則洵乎痿痺之疾不可藥也

甲辰

二十年春正月京師地震

是月二日庚寅也永平諸府及宣府大同遼東皆同日地震救諭羣臣曰朕仰惟祖宗丕緒夙夜惕兢國惟政理然治效未著地震京師天戒至矣齊心殫慮省愆修德爾文武羣臣與朕共天職者得無有竊位苟祿以名致災咎者乎自今宜痛自懲艾以毗朕志于時御史徐鏞何琬請暫免慶成宴以法古者減膳

微慙之意帝以其妄議變制下
錦衣衛獄訊之已並謫知縣
賈實
徐錦興國州人
何琬順德縣人

太監尚銘有罪

銘既傾汪直蓋擅權勢鬻爵市官恣為奸利聞京師
有富室輒以事羅織得重賄乃已帝尋覺之謫充南
京淨軍籍其家輦送內府數日不盡初銘以附直得
領東廠後其黨李榮蕭敬授之入司禮監銘既貶而
榮敬猶用事于是都給事中王瑞上言李榮蕭敬皆
黨汪直壞事于前繼黨尚銘壞事于後祖宗大業豈
容小人屢壞之京師之人皆曰直開西廠兆以黑膏
之變銘入司禮監應以地震之災若非宸衷內斷早
見而勇去之後日壞事或不止此然銘等雖以罪譴
而榮敬尚在竊恐汪直尚銘之患未已也乞并加貶
斥以絕其根株則宗社生民幸甚既入帝置榮敬不
問而以太監陳準代銘督東廠準為人謹愿既莅事

誠諸校尉曰有大逆告我非此則有
司之事若勿預也由是都人安之
質實
陳準順
德縣人

三月以盛顯巡撫山東

山東自牟俸後不設巡撫者十年至是歲旱饑盜起
廷議復遣大臣往撫之顯遂自南京刑部侍郎拜是
命既下車雨禱大澍槁木復蘇條荒政數十事下所
司修舉之振粟以充逮畢振餘粟尚百餘石顯益黜
暴除苛推行九則法
質實
盛顯字時望無錫人九則
法者顯令東鹿時所創法
于諸府盜不禁而戢
也天順中顯以御史偕同官勅石亨曹吉祥得罪貶
東鹿知縣縣故多豪家徭役苦不均顯為立九則法
以均之豪家皆斂手奉法曰是嘗勅石將軍者不可
犯也毋憂去服除民相率詣闕乞還顯再任益不用
鞭朴訟者諭之輒叩首不復辨治行上聞擢知郅武
府復以任治劇調延平累遷陝西布政使所至皆有

聲而其令束鹿時隣邑訟不決者亦赴顯愬狀片言
折之各心服去郊外有隙地爭來築室爭居之遂成
市號清
官店云

處士胡居仁卒

居仁性行淳篤聞吳與弼講學崇仁往從之游其學
以主忠信為先求放心為要操而勿失莫大乎敬遂
以敬名其齋端莊凝重對妻子如嚴賓手置一冊詳
書得失用自程考鵲衣簞食宴如也築室山中四方
來學者甚衆皆告之曰學以為己勿求人知曰吾道
相似莫如禪學後之學者誤認存心多流于禪或欲
屏絕思慮以求靜不知聖賢惟戒慎恐懼自無邪思
不求靜未嘗不靜也驚于空虛與溺于功利者均失
其患有二一在所見不真一在工夫間斷承學之士
皆佩之為篤論居仁闇修自守布衣終其身人以為

薛瑄之後粹然一出於正居仁一人而質實崇仁隋已卒年五十一神宗十三年追謚文敬置明屬

撫州府今因之胡居

仁字叔心餘干人

夏六月以思柄為孟密安撫使

孟密雲南土司木邦所轄部也其部長曰思外法娶木邦宣慰使罕揲法之女曰曩罕弄已而罕揲法死傳襲至其孫罕落法時曩罕弄方以夫死代領所部自分尊屬不樂受節制遂叛木邦曩罕氏族人與落法構難逐出之孟都蓋景泰四年也其後孟密兵力日強益攻罕落法侵掠隣境隴川孟養曩罕弄自稱天娘子其子思柄自稱宣慰使黔國公沐琮奏委三司官往撫曩罕弄驕蹇不服且欲外結交趾兵逼脅木邦八百諸部琮等復以聞兵部尚書張鵬主用兵詔廷臣集議皆以孟密與木邦仇殺未犯邊境宜撫

乃遣副都御史程宗馳傳與譯者序班蘇詮往於時
為成化十八年初曩罕弄貳于木邦畏隣境不平潛
使人從間道至京獻寶石黃金且重賂閣臣萬安請
別立孟密安撫司開設治所直隸布政司下內閣議
安欲許之劉珝劉吉曰孟密故屬木邦今叛而請命
于朝若許之是周天子命三晉大夫為諸侯也土官
誰不解體安曰不從則當代之往日麓川之敗不可
不戒珝對曰何以伐為但命守臣嚴邊備而救隣境
土官合兵蹙之彼奚能為事遂寢及宗率詮往撫諭
詮受思柄金渠宗迎安風旨示意曩罕弄復遣人入
貢如前請會雲南巡撫吳誠卒官即令宗代下其事
于宗議可否宗遂言曩罕弄與木邦仇殺已久勢難
再合別立安撫司使因命思柄為安撫使蓋孟密地
有寶井曩罕弄擅其利恣行賄遺而木邦為孟密所
侵兵力積弱不能報雖屢奏訴竟不得直思柄恃有
朝命益肆意侵奪先後占據木邦地凡二十七所自

是諸部擾攘中國
用兵且數十年

質實

明史土司傳孟都蠻地近隴川方輿紀要實井在孟密西

南由隴川十日至孟密又二日至寶井程宗字源伊常熟人吳誠錢塘人

大旱

京畿山東湖廣陝西河南山西俱大旱山西陝尤劇赤地千里道殣相望尋從巡撫葉淇請發帑金三萬振山西未幾預度天下僧道六萬人令輸粟給牒濟山陝饑

質實

葉淇字本清山陽人

秋八月太白歲星同晝見

九月乙酉朔日有食之

冬十月下刑部員外郎林俊及都督府經歷張黻于錦

林俊批鱗得罪
張黻疏奏幾危

二人皆無言責
並著直聲刑曹
後府之譴足令
言官抱愧獨是
俊載詔獄將誅
大臣何竟若罔
聞知禁無一語
而力爭維救乃
出懷恩不且為
中涓所鄙笑乎
懷恩在當時似
為俊伐但林俊
曾勅梁芳若輩
最為護局懷恩
何獨能不左袒
同類轉欲保全

衣衛獄尋釋之並謫官

時歲大饑僧繼曉方以秘術擅寵先後賜美姝十餘
人金寶不可勝紀又請建大永昌寺于西市逼徙居
民數百家康國幣數十萬于是俊上言今年以來災
異迭臻京師地震陵寢動搖日月繼曉監戒之昭莫
此為甚陝西山西河南頻年饑饉人民流離道殣相
望振濟無從可為流涕而僧繼曉以妖言熒聽竭有
用之財供無益之費工役不息人怨日興臣謂當新
繼曉以謝天下然縱繼曉之惡者梁芳也芳傾覆陰
狠引用邪佞排斥忠良數年之間假名乾沒祖宗百
年餘之府藏殆盡家貲山積尚銘不足多所在風擾
汪直莫能遏今內而朝臣外而市井之徒皆痛心饑
民之死莫不欲食芳繼曉之肉而卒不敢以此言進
者所惜者官所畏者死耳臣何忍畏罪不言以悞陛
下疏入帝大怒下俊錦衣衛獄拷訊後府經歷張鰲

直臣或與梁芳
素不相能故借
此以陽博美名
隱立門戶耶

救之並下獄帝欲誅二人司禮監懷恩力爭帝怒投
以硃曰若助俊誅我恩免冠伏地號哭帝叱出恩遣
人告鎮撫司曰汝曹諂芳傾俊俊死汝曹何以生遂
稱疾不起帝怒亦漸解各杖三十謫俊雲南姚州判
官徽師宗知州時言路久塞兩人直聲震都下為之
語曰御史在刑曹黃門出後府明年以星變復二人
官改**質實**大永昌寺按明憲宗實錄寺先建于西市
南京**質實**已有成緒繼曉以星變譴隨廢梁芳請更
擇地建之得故廣平侯袁瑄宅又市其旁民居數十
家大興工役視舊加廣蓋二十二年冬十二月也武
宗實錄正德五年大永昌寺改建為倉賜名曰太平
六年以太平倉賜永壽伯朱德為私第八年改為鎮
國府又按兩京求舊錄鎮國府嘉靖初仍改太平倉
都人至今呼西帥府衙衙也姚州唐置後入于南詔
元時蠻部內附復置州明屬姚安軍民府今屬楚雄
府師宗州元因蠻部名置州明屬潯江府今改縣屬

廣西州林俊字待用
莆田人張散吉水人

乙巳二十一年春正月甲申朔星隕有聲詔羣臣言闕失

是日中刻有光自中天隆化白氣曲折上騰踰時復
有赤星如椀自中天西行轟然如雷震帝頗懼詔羣
臣陳闕失于是吏部尚書尹旻等論傳奉官過多吏
科給事中李俊率科臣上疏曰今之弊政最大且急
曰近倖干紀也大臣不職也爵賞太濫也工役過煩
也進獻無厭也流亡未復也天變之來率由于此夫
內侍之設國初皆有定制今或一監而叢十餘人一
事而參六七輩分布藩郡總領邊疆援引檢邪投獻
奇巧司錢穀則法外取財貢方物則多方責賄兵民
坐困官吏蒙殃殺人者見原償事者逃罪如梁芳韋
興陳喜輩不可枚舉惟陛下大施剛斷無令干紀奉
使于外者悉為名還用事于內者嚴加省汰則近幸

散而天意可回矣今之大臣非夤緣內臣則不得進
非依倚內臣則不得安此以財賈官使以官鬻財無
怪其賂受四方而計營三窟也如尚書殷謙張鵬侍
郎艾福杜銘南京尚書李本侍郎劉俊皆老而懦尚
書張鑒大理卿田景賜南京尚書張瑄侍郎尹直皆
清論不愜惟陛下大加黜罰勿為姑息則大臣知警
而天意可回矣爵以待有德賞以待有功今或無故
而爵一庸流或無功而賞一貴倖方士獻煉服之書
伶人奏曼延之戲掾吏胥徒皆叨官祿俳優僧道亦
沾班資一歲而傳奉或至千人數歲而數千人矣數
千人之祿歲以數十萬計是皆國之租稅民之脂膏
不以養賢才乃以飽奸蠹誠可惜也如李孜省鄧常
恩輩尤為誕妄此招天變之甚者乞盡罷傳奉官母
令汚玷朝列則爵賞不濫而天意可回矣都城佛刹
迄無寧工京營將士不復遺力如國師繼曉假術濟
私糜耗特甚中外切齒願陛下內惜資財外惜民力

陳垣應詔陳言
抗論時政憲宗
既優旨褒答頗
見採行足彰轉
圜之美乃因修
省不即加罪而
心思其言既違
誥求闕失初心
亦豈得云應天
以實至然陟予
奪尤朝廷取下
大權即有應行
罷謫之人亦當
視其人之自取
何可稍存私意
顧潛諭部臣出

不急之後姑賜停罷則工役不順而天意可回矣近
規利之徒幸假進奉為名或錄一方書市一玩器購
畫圖製寶珎所費不多獲利十倍願陛下留府庫之
財為軍國之備則建獻息而天意可回矣陝西河南
山西赤地千里屍骸枕藉流亡日多崔符可慮願陛
下體天心之仁愛憫生民之困窮追錄責倖鹽課暫
假造寺貲財移振飢民俾苟存活則流亡復而天意
可回矣疏入帝優詔答之降左通政李孜省上林丞
太常卿鄧常恩本寺丞繼曉革國師為民斥罷傳奉
官五百餘人中外大悅時兩京諸臣爭應詔陳言給
事中盧瑀秦昇童祝御史汪奎員外郎崔陞彭綱主
事張吉蘇章周軫李旦等言尤剴直帝以方修省不
罪然心思之密諭尹旻出瑀等且書六十人姓名于
屏俟奏還則貶逐悉地于是瑀等相繼貶斥俊亦尋
調外陞章應遷而部臣故遲之不奏僅得免奎以糾
失儀稍緩杖之于廷居數月復出為夔州通判而放

之於外且書名
屏宸俟奏遽而
後貶之夫豈人
君大公至正之
道哉

省常思等仍復

質實

艾福字天錫襄陽人杜銘字敬修金堂人李本字立之富順人

劉俊新鄉人張鑒字廷器華亭人田景暘高陽人張瑄字廷璽江浦人盧瑀鄞人秦昇南昌人童杞蘭谿人汪奎字文燦婺源人崔陞字廷進其先榮安人後為彰德人彭綱字性仁清江人張吉蘇章皆餘干人周軫甫田人李旦字啟東獻縣人

大赦

詔曰往者災沴迭興天時亢旱歲竟不登河南山東畿內率多饑饉陝西山西尤劇至有棄恒產家室不顧者元元何辜罹此危厄博採羣議發內帑倉儲救所司多方振濟期此矜人咸歸樂土不意歲首星變有聲朕愈兢惕載敕廷臣備陳時政得失采納而行方春時和祇承賁始之仁誕敷寬恤之典其大赦天下

振陝西山西南餓

遣侍郎李衍何喬新賈俊以帑金二十五萬往振未幾又轉漕四十萬石振陝西是年兩京皆饑並發粟

分賈俊束鹿人

三月泰山震

太監梁芳韋興廉帑藏為奇技淫巧結萬貴妃歡累朝金七害俱盡帝一日視內藏詰芳及興芳曰建顯靈官及諸祠廟為陛下祈萬年福耳帝曰吾不汝瑕疵後之人將罪汝矣芳大懼遂說貴妃勸帝廢太子而立興王司禮大盛懷恩固爭帝不懌斥居鳳陽會泰山連震占者謂應在東宮帝心懼寢其事賈

賈顯靈宮春明夢餘錄在皇城西永樂時建成化中更拓其制又建彌羅閣嘉靖中復建昊極通明殿

東輔薩君殿曰昭德西弼王帥殿曰保真興王名祐
托憲宗第四子邵太后生即世宗父興獻帝也二十
三年七月受封時未封稱
興王者史家追叙之辭

夏四月以康永韶為禮部右侍郎

永韶故為御史有直聲謫知縣繼有薦其知天文者
中旨召還進太常少卿掌欽天監時陝西大饑永韶
言今春星變當有大咎賴秦民饑死足當之誠國家
無疆福帝悅擢禮部右侍郎明年生厯多訛字落職
歸

五月京師地震

是月十三日壬戌夜
也十一月丙寅復震

宋景公不肯以
民歲移災一言
而熒惑退舍彼
小國之君尚知
以民為重為天
下主者豈反忽
諸沉饑饉海臻
閭閻之戚即廟
堂之憂豈得視
如膜外康永韶
乃以諛詞干進
竟謂星變之咎

賴秦民饑死當之且指為國家之禍妄誕至此實為喪心病狂憲宗不予以斥責反悅其言而重加遷擢是惟知有已而不知有民且並不知民之為己之安身立命處也真可鄙之至矣

六月罷汰冒濫軍職

廷臣條時政闕失多以官爵太濫為辭詔下兩京部臣察實澄汰至是南京兵部覈武職之冒濫者具名以聞中率多內臣廝養乃寢前詔令任事如故

秋八月己卯朔日有食之

以萬通家人徐達為指揮僉事子世襲

萬通貴妃弟也少業賈既驟貴益貪黷無厭日命其家人年利四方徐達以善居奇為通所喜因得官百戶通歿帝眷通不已庶子方二歲養子方四歲俱授官而達亦得擢至指揮僉事秩正四品許傳襲不替達嘗奏請兩淮鹽引三萬時帝已漸惡乞鹽之擾猶命立于之其荷恩寵如此初通父貴姓薛謹見子姓

皆得官每憂形于色曰吾家德不勝福何以堪也諸子或屑越賜物輒或曰縣官所賜皆著籍他日復宣索汝曹將重得罪諸子竊笑以為迂自責卒後通與其兄喜弟達等逐日驕橫其家憑倚恩眷聲勢烜赫

矣

質實

萬通諸城人錦衣指揮貴之子

九月劉珣罷

萬安與南人相黨附珣及尹旻王越又與北人為黨顧珣性疎直自以宮僚舊臣遇事無所回護刑部員外郎林俊以劾梁芳繼曉下獄珣于帝前解之李孜省輩左道亂政欲動搖東宮珣密疏諫帝皆不悅珣又素薄安嘗斥安負國無恥安忽日夜思中珣汪直寵衰安偵知西廠可罷邀珣同奏珣德商賂前事且見言官方交章請罷皆不允以為直寵固無恙也因辭不與安遂獨奏之陰使人訐珣與直有連帝疑未

發安又使人為劉公子曲增飾徽語雜教坊院本奏之劉公子謂瑀子錡也帝怒遣中官持手封書一函詣閤乃人訐瑀書安與劉吉祥驚救言當令乞休去以全始終翌日瑀具疏乞休詔允之其實排瑀使去者安吉兩人謀也

冬十一月召馬文升為兵部尚書

汪直敗之歲文升復官致仕其明年起為左副都御史巡撫遼東文升凡三至遼軍民聞其來皆鼓舞益禁蓋中官總兵使不得謁前衆蓋大喜逾年進右都御史總督漕運會淮安及徐和二州饑移江南糧十萬石鹽價銀五萬兩振之尋即有是命時李孜省方怙寵文升既入朝頗惡其為人有所言孜省亦深嫉文升矣

十二月以彭華為吏部左侍郎兼翰林學士入內閣預

機務

華深刻多計數善伺人短與萬安李孜省相結得入
閣素嫉尹旻與安等伺得旻子侍講龍諸陰事下龍
詔獄執訊午門多所株連是致仕去龍除質實按尹
名由是人皆畏華而惡之踰年以風疾罷龍之

獄事載憲宗實錄是卿人有武選郎郝襲者以司吏
樊忠韓錫盜救事發坐防範不謹調外襲素與旻子
龍及侍讀焦芳交善因謀為指揮張旺等一百二十
三人保留襲疏上之既下吏部議是復奏曰此公論
也乞復襲官帝已疑是私襲曰爾何繇知為公論然
尚勉從是議不深責是也未幾東廠緝事者發襲等
交通狀旻自服罪帝責其徇情妄奏落是太子太傅
為太子少保時二十二年四月也甫踰月而廠校又

發龍納賄事給事中張雄劄清劄昇御史陳孜等交
章劾龍并及是帝省是而下龍錦衣衛獄令法司會
鞠于午門通判王範經歷張璉並以賂龍得官逮訊
詞連郎中劉紳員外郎董寧同知朱紳副使謝顯王
錦馮蘭六人獄上命是以尚書致仕龍削籍範等譴
有差侍郎耿裕恭淳以阿默停祿三月而焦芳坐為
龔革保留疏謫同知于是御史呂璋等復劾侍郎侶
鍾秦絃大理寺丞劉歡寺副蘇泰大僕寺卿張海順
天府丞黃傑洗馬羅景給事中馮龍御史劉璧于壁
高輔張鵬編修王教員外郎楊榮袁弼皆以山東人
坐是黨調降龍
獄之本末如此

丙午二十二年秋七月前少保謹身殿大學士商輅卒

輅再入閣前後預機務二十一年家居十年辛年七
十三贈太傅諡文毅輅平粹簡重寬厚有容臨大事

決大議毅然莫能奪既謝政劉吉過訪邸第見其子孫林立歎曰吉與公同事厯年未嘗見公筆下妄殺一人宜天之報公厚賂曰正不敢使朝廷妄殺一人耳

八月謫江西巡撫閔珪為廣西按察使陝西巡撫鄭時為貴州左參政

江西南贛諸郡多盜率獻賫強宗投為僕事發輒相倚庇拒有司不就捕珪請連坐其主以清盜藪法司議從之而泰和尹直新建謝一夔皆怒珪竟謫官廣西命下一夔喜謂人曰珪之謬也非吾致者密啓于帝吾鄉縉紳尚得高枕乎人乃知珪之左降李孜省力也鄭時自十九年撫陝西頻歲大饑人相食請于朝發帑金十萬轉漕四十石躬督屬吏給振銖粒皆有籍無敢漁者所全活甚衆會孜省以災異貶頃之

復用事與梁芳亂政如故時聞之歎曰如此則災未
有已也吾安可以外吏猶然遂條上五事曰盡誠敬
以回天意明義理以杜妖妄減供奉以蘇民困重名
器以待有功罷傳奉以抑僥倖蓋為芳攷省發也疏
入尋有貴州參政之貶陝民哭送之至遮道不得行
帝聞頗悔為斥傳奉官十人繫六人獄詔自今中旨
授官者俱覆奏然不罪芳攷省也時有御史姜昂者
亦憤攷省等亂政倡同官疏劾其罪帝怒昂妄言杖
午門質寶泰和隋改西昌縣置太和元升州明改太
和縣屬吉安府新建宋析南昌縣地置明
屬南昌府今並因之閔珪字朝瑛烏程人鄭時字宗
良舒城人姜昂字恒頴太倉州人謝一夔字大韶新
建人初冒
姓王後改

九月罷南京兵部尚書王恕出馬文升代之

前二年恕自應天巡撫改南京兵部尚書林俊以劾梁芳繼曉下獄恕疏爭俊不當罪帝不憚恕侃侃論列無所避先後應詔陳言者二十一建白者三十九皆力阻權倖天下傾心慕之遇朝事有不可必曰王公胡不言也或又曰公疏且至矣已恕疏果至時為謠曰兩京十二部獨有一王恕于是貴近皆側目帝亦頗厭苦之是年起用傅奉官恕諫尤切帝愈不悅會南京兵部侍郎馬顯乞罷忽附批曰王恕老劣矣亦令致仕而文升為李孜省所譖遂出以代恕一舉而閒廢兩名臣朝野大駭工部主事王純疏請留恕命杖之貶質實

馬顯字文明廣平人王純仙居人

逮廣東布政使陳選道卒

選于天順中巡按江西盡斥貪廢吏成化初督學河南汪直出巡都御史以下皆拜謁選獨長揖久之進

按察使決遣輕繫數百人重囚多所平反囹圄為空
治尚簡易獨于賊吏無所假厯廣東左右布政時詔
減省貢獻而市舶中官韋眷肆橫奏乞均徭戶六十
人添辦方物選持詔書爭帝命與其半眷由是怒選
番人馬力麻詭稱蘇門答刺使臣欲入貢私市易眷
利其厚賂將許之選聞立逐之眷畀令高瑤發眷通
番事沒其貲巨萬入官都御史宋旻不敢結選移檄
獎之且聞于朝眷恨選益甚遂誣選瑤朋比為貪墨
遣刑部郎中李行及巡按御史徐同愛勘之眷賄選
所黜吏張聚令誣証聚堅不從拷掠無異辭行等畏
眷竟以誣獄上與瑤俱被逮士民數萬號泣遮留使
者辟除乃得出至南昌疾作行阻其醫藥竟卒張聚
聞選死哀悼乃上書曰竊見故罪人選子處羣邪之
中獨立衆憎之地太監韋眷通番敗露知縣瑤按法
持之選移文獎勸以激貪懦固賢監司事也都御史
宋旻及同愛怯勢養奸致眷橫行胸臆穢蟻清流勘

官李行頤指煨煉竟無左証臣本小吏詿誤觸法被選黜罷實臣自取眷謂臣憾還厚賂嗽臣臣雖胥役敢昧素心行等逮臣致理拷掠百端臣忍死籲天終無異口行等乃丈致其罪選故剛直不堪屈辱憤懣旬日身嬰重疾行等幸其殞身阻其醫療訖命之日密走報眷小人佞毒一至于此臣擯黜罪人東來田野百無所圖誠痛忠良銜質實陳選字士賢臨海人屈而為聖朝累也不報後家子鄭察明史選傳弘治初主事林沂疏雪選冤詔復官禮葬正德中追贈光祿卿諡忠愍宋吳字宏澤淳安人李行新喻人徐同愛常山人

遣刑部左侍郎何喬新勘播州土司訟

初巡撫張瓚之奏設安寧宣撫也受播州致仕宣慰楊輝屬固請任輝庶長子友為使而友收其弟愛嗣

輝職雖授宣撫使意未懽揮沒友與長官張淵謀刺
愛不果遂誣奏愛居處器用僭擬朝廷又通唐府密
書往來私習兵法天文謀不軌事乃遣喬新住勘將
行請曰楊氏主播州五百餘年諸蠻服從久矣歷代
寬以文法蓋治之以不治也今但宜二人面質真偽
無令驚疑帝是之喬新至盡得其始末白愛誣奪友
官遷保寧羈管斬
張淵播州遂安

質實

唐府謂定王程孫莊王芝
址也成化十一年襲封

以尹直為戶部左侍郎兼翰林學士入內閣預機務

直明敏博學練習朝章而躁于進取性矜忌不自檢
飭前為侍讀學士覬擢禮部侍郎而尚書尹旻不欲
薦直直竟以中旨得之翼日遇旻于朝舉笏謝旻曰
公所謂簡在帝心者由是兩人交惡直尋以憂去服
除起南京吏部侍郎就改禮部凡在南部八年鬱鬱
不得志屬其黨萬安謀內召旻輒持不可諸朝臣亦

皆畏直幸其在南卒倚安及李孜者力召為兵部侍郎孟比孜者與彭華共傾是以洩怨至是復由中旨入閣物論鄙之

丁未二十三年春正月皇貴妃萬氏卒

妃服用器物竊極僭擬中官倭倖錢能覃動汪直梁芳韋興輩皆假貢獻苛歛民財傾竭府庫以結妃歡四方進奉異物皆歸之父兄弟姪皆授都督指揮千百戶等官性嫉妬掖庭御幸有身飲藥傷墜者無數至是卒帝震悼輟朝七日諡曰恭肅端慎榮靖皇貴妃

命南京右都御史屠浦諭護占城王古來歸國

初安南黎灝據占城復發兵執王弟盤羅茶悅王孫齋亞麻弗卷與弟古來走佛靈山避難中朝屢諭額

返侵地灝華詭辭對其後乃訪齋亞麻弗菴立之界以國南邊地而占城故壤凡二十七所四府一州十二縣里計三千五百有奇割畀纔十之二餘為灝據如故王孫既新立遣使請封給事中馮義行人張璉齋印冊在行而聞王孫死慮空還失利亟抵其國封提婆苔為王獲厚賂而返提婆苔者灝僞款所封占城畔人也義返至海洋病死璉自廣東上其事詭言王孫為弟古來所弑不得已封其國所欲立者而古來貢使已前至方告齋亞麻弗菴之喪請嗣封且乞宣諭安南悉還故壤猶不知提婆苔之據其國也于是禮官劾璉妄下錦衣獄訊之伏罪論斬尋勅古來推諭提婆苔令上國王印提婆苔不受命乃遣給事中李孟暘行人葉應冊封古來為國王孟暘以提婆苔方竊據憚行請傳諭古來詣廣東受封古來乃自老撾挈家赴崖州封事竣欲躬詣闕廷奏安南之罪總督宋晟以聞廷議遣大臣經理其事因以命滯

至廣東即傳檄安南宣示禍福募健卒二千人駕海舟二十艘護古來還國安南以瀟大臣奉特遣不敢抗古來

質實

屠瀟字朝宗鄞縣人馮義韓城人張瑾乃得人

吳縣人李孟賜睢州人葉應歸善人

二月以李孜省為禮部右侍郎

孜省既敗復用益作威福假扶鸞術言江西人赤心報國于是致仕副都御史劉數禮部郎中黃景南京兵部侍郎尹直工部尚書李裕禮部侍郎謝一夔皆因之以進執政大臣萬安劉吉從而附麗之所喜者則援之通顯所怒者則構之貶斥憾應天府丞楊守隨嘗劾已譖于帝謫南寧知府去他所排擠甚衆朝野側目前年冬擢通政使至是進禮部侍郎掌通質實政司如故一時佞倖竊權寵者無與侔比矣

質實

黃景上高人李裕字汝德豐城人由南京都御史召為工部尚書尋改吏部與閣臣彭華並以賄孜省得

擢時人為之誥曰八百憲臺陞李裕三千館閣薦彭華孝宗實錄于華之卒載其語云

發明

明季門戶之習為一代源錮之患然當成化以前未有顯然提結茫其鄉里連及閩省者

也自李孜省擅寵薦引鄉人彭華入閣復假邪術言江西人赤心報國而同省大臣皆因之以進厥後孜省既敗焦芳用事街孜省輩之黜已遂滅江西解類且榜禁之使不得選朝官譽北諉南相尋報復黨禍之結自此始矣夫人臣植黨樹援未有不害于而國者然多以學術意氣私相矜許久之乃成角立之勢若孜省者一佞倖小人習五雷道法迎合憲宗意旨與奸僧繼曉竊取尊顯偶假扶鸞仙鬼之伎遂開朋黨比附之門使朝局為之一變可不慎歟

秋七月封子五人為王

史家紀萬妃之事皆謂其驕妬

橫行至於後宮
有娠盡遭藥墮
今以憲宗封建
諸子証之知其
說殊不足盡信
蓋憲宗偏寵萬
妃及妃之恃寵
驕妬固當時情
事所有若謂其
專房溺惑則後
宮必進御無期
何就館之多竟
爾繩繩相繼如
是年及孝宗初
受封共有十人
其最幼者乃憲

祐 杞興王祐 綸岐王祐 楨
益王祐 樞衛王祐 樞雍王
質實明史諸王傳岐王憲
安益王第六子後之藩建昌衛王第七子後之藩德
州雍王第八子後之藩衛州岐王永王皆邵太后生
益王衛王皆
張德妃生

八月帝崩

是月庚辰帝不豫甲申命皇太子
視朝于文華殿戊子大漸已丑崩

九月太子祐檜即位赦

是為孝宗以明
年為弘治元年

太監梁芳方士李孜省等及外戚萬喜以罪謫戍有差

宗第十四子而
所云飲藥墮胎
者尚不可勝計
其生不為不蕃
萬妃果妬毒豈
能聽貫魚及衆
而誕生成立者
且如是之多乎
總之宮闈事秘
傳聞已不可憑
或由衆人深嫉
萬安之假附亂
政遂飾為無稽
之語以歸罪焉
妃紀載家耳食
滋訛于成化間

言官劾政者及其黨鄧常恩趙王芝交結太監芳外
戚喜等諸不法事論死上以宅憂謫芳南京少監喜
指揮使政者常恩王芝等成陝西邊芳等既謫成遇
赦當還印綬監太監蔣琮言芳等罪大不當赦復逮
下獄政者不勝撈掠死常恩王
芝尋復遇赦仍徙邊方廢死

冬十月罷傳奉官奪僧道封號

帝用科通言降黜傳奉官通政任傑侍郎劄銅指揮
僉事王榮等二千餘人罷遣禪師真人等二百四十
餘人法王佛子國師等七百八十
餘人並追誥赦印伏遣歸本土
質實任傑王榮皆
不知何許人

尊皇太后為太皇太后皇后為皇太后立皇后張氏

先是孝穆太后薨外廷藉藉指萬貴妃帝即位魚臺
丞徐頊疏請上母妃尊諡還葬並追究薨故廷臣議

事幾不啻漢成
時之昭陽禍水
而不顧其跡之
矛盾亦可怪也

萬安阿奉宦官
藉其牽引始進

即不以正甚至
緣附椒房冒稱
同姓為梯榮固
寵之階尤詭鄙
無恥繼聞議逮
萬氏親屬輒欲
以久不往來希
圖掩覆小人情
態至此畢露矣
及為懷恩所斥

萬安罷

建萬氏戚屬下錦衣勸治萬安懼不知所出曰我久
與萬家不往來劉吉亦有連自危與尹直共擬旨寢
之帝仁厚恐傷先帝質實皇后張氏
意不問安吉得無事與濟人

安卓登極詔書禁言官風聞言事中外譁然安尋亦
悔之及上兩宮尊號遂詔陳天下利弊御史湯鼐詣
閣安從容曰此非裏面意吾輩維持君等耳鼐即以
其語聞謂安歸過于君無人臣禮于是庶吉士鄒智
御史文貴姜洪等交章列其罪狀先是欽人倪進賢
者粗涉書史無行詭事安日與講房中術安暱之因
令就試得進士授為庶吉士除御史帝一日于宮中
得疏一小篋皆論房中術者末署曰臣安進帝令懷
恩恃至閣曰此大臣所為邪安愧汗伏地不能出聲
及諸臣彈章入復令思就安讀之安數隄起求哀無

猶復覲顏應機
數跪求哀真不
復知人間有羞
愧事豈特鄙夫
之無所不至哉

去志恩直前摘其牙牌曰可去矣始惶懼歸第乞休
去時年七十餘在道猶望三台星冀復用居一年卒安
在政府二十年每遇試必其門生為考官子孫甥壻
多登第者子翼南京禮部侍郎孫弘璧翰林編修安
死無幾翼弘璧質實湯鴈字用之壽州人鄒智字汝
相繼死安遂絕
希範廣
德人

追諡母紀氏為孝穆皇太后

帝悲念太后遣人求太后家先是太后在宮中嘗自
言家賀縣姓紀初不能知親族也于是有妄冒太后
戚畹以希寵貴者十數輩後事露皆誦成而太后家
終不可得其後禮臣上言可做太祖封徐王故事定
擬太后父母封號立祠桂林致祭帝詔曰孝穆太后
早棄朕躬每一思念恚焉如割初謂宗親尚可旁求

寧受百欺冀獲一是卿等謂歲久無從物色請加封立廟以慰聖母之心皇祖既有故事朕心雖不忍又奚敢違遂封后父慶元伯后母伯夫人立廟桂林府有司歲時祀焉大學士尹直撰冊文有云觀漢家堯母之門增宋室仁宗之慟帝質實賀縣漢臨賀縣唐燕間念誦輒執歎泣下也為賀州治明洪武初以臨賀省入賀州尋降州為縣屬桂林府今因之

以吏部左侍郎徐溥兼翰林學士入內閣預機務

尋進禮部尚書兼文淵閣大學士已列吉罷去遂為首輔溥承吉忠肅之後願以安靜務守成法嘗曰祖宗法度所以惠元元者至矣惠質實徐溥字時不能守耳時人比之漢丙吉云用宜興人

十一月名王恕為吏部尚書以馬文升為左都御史

時起致仕家居言官論安者輒薦恕司禮監懷恩亦素重之力勸帝故即家起用之而文升亦以時望得

名內

尹直罷以劉健為禮部右侍郎兼翰林學士入內閣預機務

給事中宋琬御史許斌言直自為侍郎以至入閣夤緣攀附皆取中旨帝于是薄其為人令致仕健學問深粹以身任天下之重先為少詹事充東宮講官受知于帝帝立乃有是命于時羣邪漸黜衆正並升海內欣然質實劉健字希賢洛陽人宋琬隴西人許斌陽曲人

禮部左侍郎邱濬進大學衍義補

濬以真德秀大學衍義止述修身齊家事而治國平天下闕焉乃博採羣書以補之至是表上于朝帝稱善進濬尚書賚金幣詔刊行其書既而濬以書中所載皆可見之行事請摘其要者下內閣議行之帝報可

質實

大學衍義補六十一卷誠意正心之要曰審幾微治國平天下之要曰正朝廷曰正百官曰固邦

本曰制國用曰明禮樂曰秩祭祀曰崇教化曰備規制曰慎刑憲曰嚴武備曰固封圉曰成功化

十二月葬茂陵

諡曰繼天凝道誠明仁敬崇文肅

質實

茂陵在昌平州聚寶山東

南少

明史贊曰憲宗早正儲位中更多故而踐阼之後上景帝尊號邠于謙之冤抑黎淳而名高輅恢恢

有人君之度矣時際休明朝多耆彥帝能篤于任
人謹于天成蠲賦省刑閭里日益充足仁宣之治
于斯復見顧以任用汪直西殿橫恣盜竊威柄總
惡弄兵夫明斷如帝而為所蔽惑久而後覺婦寺
之禍固
可畏哉

御定資治通鑑綱目三編卷十五

欽定四庫全書

御定資治通鑑綱目三編卷十六

起戊申明孝宗弘治元年
盡丙辰明孝宗弘治九年 凡九年

戊申 孝宗敬皇帝元年春正月以何喬新為刑部尚書

喬新初為刑部侍郎以剛正為萬安劉吉所忌帝嗣位安等擬旨出喬新為南京刑部尚書借升秩以遠之中官懷恩不平詣閣正色曰新君立當用正人胡為出何公安等默然既而刑部尚書杜銘罷羣望屬喬新而吉代安為首輔終忌之闕久不補帝以王恕薦乃有是命

二月帝耕藉田

孝宗是時立未逾年諒闇之中本不當舉行耕藉即云典不可缺亦祇應僅躬秉耒以為農先乃竟設宴如常實為非禮馬文升自當因此據理直陳顧不言燕衍之失而止咎教坊之瀆亂宸聰已為昧于輕重況進言亦自有體正色已足伸諍直何致

禮畢宴羣臣教坊以雜伎進馬文升厲色曰新天子當知稼穡艱難豈宜以此瀆亂宸聰邪即斥去之自是歲于仲春行耕禮定為制質實按明史禮儀志洪武二年太祖始躬行耕藉禮永樂以後惟登極初一行之至是乃定有常儀前期百官致齋順天府官以為耜及種稜種進呈內官仍捧出授之由午門右出置綠輿鼓樂送至耜田所至期帝翼翼冠黃袍詣壇所具服殿服宛冕祭先農畢還更翼善冠黃袍太常卿導引至耕藉位南向立三公以下各就位戶部尚書北向跪進言耜順天府官北向跪進鞭帝秉耒三推三反訖戶部尚書跪受耒耜順天府官跪受鞭太常卿奏請復位府尹挾青箱以種子播而覆之帝御外門南向坐觀三公五推尚書九卿九推太常卿奏耕畢帝還具服殿陞坐府尹率兩縣令耆老行禮畢引上中下農夫各十執農器朝見令其終畝百官行慶賀禮賜酒饌三品以上丹陛上東西坐四

以厲色相干夫
臣之于君猶子之
于父人子幾諫
尚當婉容下氣
乃于君父之側
悍然微色發聲
敬事之誠安在
明代惡習相沿
往往憤激沽名
而不顧恪恭大
義史家無識轉
從而張大其辭
不便準諸義理
豈可為訓耶

封哈密衛左都督哈商為忠順王

品以下臺下坐並宴勞耆老于壇旁宴畢
駕還宮大樂鼓吹振作農夫人賜布一疋

前二年衛喇特揚汗擁眾數萬謀犯邊哈商知之來
告邊將嚴設備揚汗不得利去憾哈密兵還掠其拉
木城甘肅巡撫唐瑜因請假哈商以名使益固臣節
至是其國人復訴衛喇特之逼欲得中國封以威隣
部乃命哈商襲忠順王給金印時衛拉特已與質
哈密和且約婚不復擾而土爾番兵端遂自此起
實拉木城方輿紀要在哈密城西自土爾番入哈密
其往來未有不經拉木者又有哈喇城在其西接
西城圖志哈密舊有十堡今四境凡五堡得五城自
哈密城西六十里曰蘇木哈喇城亦名頭堡又西二
十里曰阿斯塔納亦名二堡又西北四十里曰托郭
樓亦名三堡又西南二十里曰拉布楚喀亦名五堡

其四堡在拉布楚哈西二十里曰哈喇都伯此皆哈
密西境之城為入土爾番孔道則舊稱哈喇者乃今
哈喇都伯舊稱拉木者乃今拉布楚喀音訛為拉木
耳唐瑜字廷美上海人揚汗舊作養罕拉木城舊
作刺木城
今並改

罷選淑女

中官郭鏞請豫選妃嬪以廣儲嗣庶子謝遷上言山
陵之工未畢諒闇之痛猶新此必宜賢巧為諛詞以
動陛下非本心也陛下當于春秋俟祥
禪之後徐議未晚願亟寢前命從之
質實
謝遷字
于喬餘
人姚

三月揭文武大臣等姓名于文華殿壁

兩京文武大臣外官知府守備以上吏兵二部並疏其姓名揭于殿壁如有遷罷即以新除者易之

帝詰國子監行釋奠禮

帝親釋奠于先師加幣用太牢改分獻曰分奠坐彝倫堂命祭酒費閭等進講閭舉商書說命篇敷陳時憲欽若之義詞旨了暢帝聳聽良久徐諭曰六經載聖人之道匪知難惟行之艱朕與爾師生勉之質實費閭字廷言丹徒人

御經筵命儒臣日講視午朝

先是吏部侍郎楊守陳請遵祖制開大小經筵日再御朝畧言大經筵及早朝但如舊儀若小經筵當擇端介博雅之臣以次進講必于聖賢經旨帝王大道以及人臣賢否政事得失民情休戚講之明而無疑

乃行之篤而無弊凡前朝典籍祖宗謨訓百官章奏
皆當貯文華後殿退朝披覽日令內閣一人講官二
人居前殿右廂有疑輒問一日閒居文華殿之時多
處乾清宮之時少則欲寡心清臨政不惑得于內者
深而出治之本立矣午朝則御文華門大臣臺諫更
番侍直事已具疏者用揭帖舉崖畧口奏陛下詳問
而裁決之在外文武官來覲俾條列地方事面陳大
要付諸司評議其陞辭赴任者隨所職任而戒諭之
有大政則御文華殿使大臣各盡其謀勿相推避不
當則許言官駁正其他具疏進者召閣臣議可否以
行而於奏事辭朝諸臣必降詞色詳詢博訪務竭下情
使賢才常接于目前視聽不偏于左右合天下之耳
目以為聰明則資于外者博而致治之綱舉矣如或
經筵常朝祇循故事百官章奏皆付內臣調旨批荅
臣恐積弊未革後患滋深疏入帝深嘉納遂于月之
丙子開經筵翼日丁丑命儒臣日講越六日壬午視

午朝皆自守陳發之時謝遷為講官務積
誠開帝意每進講敷詞詳切帝數稱善
質實楊守陳字

維新
鄭人

起用言事謫降諸臣

時擢林俊強珍為按察副使命科道官闕者悉增補
南京吏部主事儲燾因言先朝直諫諸臣既蒙軫念
起改官資而前主事張吉王純中書舍人丁璣進士
敖毓元尚棄嶺海蠻瘴之間臣甚惜焉又前進士李
文祥當陛下御極之初倡衆敢言冀益新政大臣厭
其少年陽示培植而陰挫抑之天下皆知非陛下意
方今增補諫官乞召此五人寘之風紀論思之地言
論丰采必有可觀帝命部臣起用之純初以抗章留
王恕稱恕社稷臣忤旨貶璣毓元應星變詔與張吉
各陳時政疏言過切直留中謫璣普安州判官毓元

後謁選得橫州知州中旨降雲南縣丞文詳者萬安
孫弘壁同榜進士安重其才款之家嘗以詩規安安
怒帝即位內閣擬登極詔書誠諫官毋言事文祥上
封事極論其非比之李吉甫王安石安與劉吉皆怒
票旨授繁劇縣丞歷練遂為陝西咸寧丞以去至是
帝雖俞唯言及吏部擬擢官多為吉所糾駁頗不盡
起用明年文祥復以王質實橫州唐置明屬南寧府
怒薦召為兵部主事咸寧唐置明倚西安府

治東今皆因之儲曜字靜夫泰州人丁璣字玉夫
丹徒人教毓元新喻人李文祥字天瑞麻城人

發明

自孝宗更新庶政軫念言事謫降諸臣一時
如林俊強珍輩皆得起改官資布列清要于

是儲曜以丁璣等五人列諸薦剡既從其請而召
用之何又任劉吉之陰為阻撓俾丁璣卒滯遠州
而李文祥者復待王怒上章再薦始召為兵部主
事及蒞任未踰一月遂假言人之獄闌入其名竟

至獲罪而去雖曰言實為之然果孝
宗英察有餘吉亦安能施其陰拔哉

夏四月釐正祀典

禮科給事中張九功請正祀典章下禮部尚書周洪謨
等條議以釋迦牟尼文佛上清太上老君不宜修建齋
醮遣官祭告古禮幽崇祭星今北極紫微大帝像之為
人稱之為帝非典風雲雷雨南郊合祀山川壇復隆秋
報今徇道家言又有雷聲普化天尊之祀是瀆也歲以
正月十五日為真君張道陵生辰遣天祭告非制大小
青龍神禱雨無應不足祀梓潼帝君者傳云神姓張名
亞子蜀人仕晉戰歿人為立廟唐宋屢封至英顯王元
加號為帝君景泰中因京師舊廟新之歲以二月三日
生辰遣祭神廟食于蜀宜也與文昌六星無涉其祠在
天下學校者當毀永樂中以道士周思得傳王靈官法
有驗乃建天將廟祀靈官謂宋徽宗時有西蜀薩堅授

法于林靈素者其師也因于廟立祖師殿宣德中改大德觀封靈官曰崇恩尊君祖師曰隆恩真君成化初改顯靈宮歲易袍服其費不貲當革靈濟宮祀金闕上帝玉闕上帝蓋五代時徐溫子知證知珣也神世系事蹟非甚異其僭號亦當革於是祀典為之一正時洪謨建議并謂元武七宿不當信道家武當山修鍊之說咸惶非人鬼不當有五月十一日誕辰之祭東嶽泰山既專祭封內且合祭郊壇則朝陽門外東嶽廟之祭實為煩瀆帝以崇祀既質實大小青龍神明史禮儀志云有僧名盧寓西山有二童子來侍時久久不盡從也

旱童子入潭化二青龍遂得雨後賜盧號曰感應禪師建寺設像別設龍祠于潭上宣德中建大圓通寺加二龍封號春秋祭之文昌六星史記天官書斗魁戴匡六星曰文昌宮一上將二次將三貴相四司命五司中六司祿漢書天文志謂五司祿六司災晉志則謂四司祿五司命六司寇周禮大宗伯以樞燎祀

司中司命蓋即文昌之祀也靈濟宮在西長安門稍北明永樂十五年建元武七宿石氏星經云北方黑帝其精元武七宿斗牛女虛危室壁有龜蛇蟠結之像武當山在均州南一百里一曰太和山亦曰莽上山又曰仙室明永樂中改名太岳太

五月嘉興盜起命刑部侍郎彭韶討平之

嘉興百戶陳輔以盜販鹽為邇者所發革官遂招集無賴作兵器四出剽掠郡縣吏置不問輔益恣與其父端子文壻鄧夔等率衆攻府治知府徐霖踰牆走因據府庫縱獄囚劫軍器千戶所執千戶白鑑大掠城中奪舟趨太湖官軍不能遏鎮守中官張慶以聞帝以浙江財賦甲天下有銀鎮鹽場之利易以生盜而官吏怠玩武備廢弛嘉興城守繫集之地尚寇賊縱橫則山谿僻縣姦宄僭伏乘機竊發者更不可詰

乃命詔馳往巡視偕鎮巡官督諸司討捕之詔至浙
官兵大集敗輔衆于吳江瑞等就擒餘黨多殺傷或
赴水輔還走秀水合兵處之輔自殺賊遂平
是年十一月癸未也于是郡縣吏皆被勅去
縣五代梁開平三年吳越以吳之松林鎮置元升州
明仍降縣屬蘇州府秀水縣明宣德四年析嘉興縣
地置為嘉興府治西北偏
今皆因之徐霖襄城人

六月癸亥朔日有食之

韃靼求貢

小王子率部落僭住大同近邊營亘三十里遠百人
款求通貢巡撫許進以便宜納之聞于朝所上書自
稱大元汗朝廷方務優容許遣五百人詣京師至八
月與其別部巴延蒙克王使人俱入朝自是屢入貢

然寇抄諸邊如故
且漸往來套中矣

質實

已延蒙克舊作
伯顏猛可令改

命戶部左侍郎李嗣刑部右侍郎彭韶清理鹽法

淮浙鹽自憲宗以來為勢家乞中者所擾雖嘗中諭
禁迄莫能屏絕運司不敢與忤每事姑息以是鹽法
日壞商病而課不充邊儲匱乏戶部尚書李敏請簡
風憲大臣整理帝以韶方在浙因即命韶理浙鹽而
別遣嗣于兩淮皆兼命都御史嗣至淮乃建置補餘
鹽之議初洪武創制商支鹽有定場無許越場買補
竈戶勤者正課外有餘鹽送場司二百斤為一引給
米一石其鹽召商開中不拘資次給與成化後令商
收買而勸借米麥以振貧竈至是嗣請令商人買餘
鹽補官引而免其勸借且停各邊開中俟通課完日
官為賣鹽三分價直二充邊儲而留其一以補商人
未交鹽價由是以餘鹽補充正課而鹽法小變詔以

浙商苦抑配為定折價額蠲宿負憫竈戶煎辦
徵賠折閱之困繪圖以獻條其利病奏行之
質實

李嗣字克誠南海人
李敏字公勉襄城人

冬十一月妖僧繼曉伏誅

初繼曉以林俊勳已獲譴知為廷臣所惡虞禍及托
稱養母乞空名度牒五百道以歸及星變革國師為
民至是給事中林廷玉請逮治之乃令有司執送京
師法司論其罪以犯在赦前免死給事中陳璠言繼
曉罪大不當
宥命棄市
質實
林廷玉侯官人陳璠字玉汝長洲人

土爾番殺忠順王哈商復據哈密

土爾番阿爾死其子阿哈瑪特嗣為蘇勒坦聞哈商
封忠順王怒曰哈商非忠順族安得封乃偽與結婚

誘引殺之盡奪哈密地留六十人佐伊蘭據衛城而遣使入貢稱與哈商締姻乞賜蟒服及九龍渾金膝襪諸物使至甘州哈商都指揮阿穆呼朗告變朝廷亦不罪者使但令還諭其主返侵地阿哈瑪特傲不奉命明年阿穆呼朗覲知伊蘭勢單弱請授于邊臣調赤斤罕東兵夜襲破其城伊蘭遁去因命哈商弟恩克保喇襲都督同知給新印而阿穆呼朗等以力薄不能守尋引還哈密城為土爾番據如故質

實

明史西域傳阿哈瑪特嗣為蘇勒坦在成化十四年阿哈瑪特舊作阿黑麻阿穆呼朗舊作阿木

朗今並改

己酉 二年春二月振四川飢

命發湖廣歲漕米二十萬先後遣戶部郎中江漢王宏往振之嗣發帑金二萬為飢民耕種之具及秋復

命鎮巡官勅狀免被災稅糧暨流民復業者離役三年先是流民逐食四出巡撫謝士元檄所部置廣室十餘區作糜食之且令所在給符遣歸道經郡縣驗而廩之粟乃浙復業時朝廷雖命轉湖廣漕久不至賴士元區畫民得以濟會湖廣歲赤歛轉漕竟止不發四川故多盜有野王剛者嘯聚且五年矣劫掠夔州新寧往來大寧大昌諸縣前守臣畏罪匿不以聞乘歲飢土番大小娃復煽亂士元北行遷馳詣其地大小娃懼泥首迺道左立諭散之剛更入轉湖廣竹山竹谿據陝西漢中金州平利西鄉諸郡縣副都御史戴珊方撫治鄖陽請集四川湖廣陝西兵討之于是士元亦遣兵會討賊間風潰珊督湖廣兵搃其巢盜悉平是年七月畿內亦飢給貧民麥種遣官振河間永平免其稅糧戶給米一石十一月順天飢發倉粟減直質實新寧西魏縣明屬夔州府今屬達州大韜于民質實寧宋監元州明洪武九年降縣屬夔州

府今因之金州西魏置隋改西城郡唐復置明屬漢
中府神宗十一年改興安州二十三年升直隸州平
利唐縣明屬興安州西鄉晉縣明屬漢中府今皆因
之江漢旌德人王宏文登人謝士元字仲仁閬縣人
戴珊字珩
珍浮梁人

下監察御史湯鼎于獄戍之

言官以意氣用
事明代結習可
憎至末流遂以
此儆歎况孝宗
朝庶政惟新而
諸臣所言尚撫
拾先朝舊事何
前日之寒蟬

初鼎與庶吉士鄒智中書舍人吉人進士李文祥交
善並負意氣裁量人物帝即位文祥上書言新政既
謫戍寧丞去智復疏劾萬安劉吉尹直薦王恕王竑
彭韶極言宦官權重之害未幾安直相繼罷斥恕果
召更新庶政言路大開智喜謂志且得行而鼎以吉
罪與安直均獨得留抗章請申黜陟語甚剴摯然鼎
抨擊自豪間及海內人望王恕以盛暑請輟經筵鼎
三疏爭語侵恕恕惟自引咎而周洪謨倪岳張悅馬

旦盡變為鳴鳳
乎至王恕等皆
以老成布列班
聯初無大過湯
爲乃憑私逞臆
抨擊自豪居心
已不可問且受
知州餽金覲稱
妖夢尤非臺省
所宜其獲罪實
由自取特劉吉
以私憾暗嗾斜
彈倚端搆獄奸
惡更甚耳

文升亦嘗為所吹索以故大臣多畏之吉尤恨鼎次
骨使人啗御史魏璋曰君能去鼎行僉院事矣璋欣
然日夜伺鼎短于是吉人之獄起時帝方命官振四
川饑吉人上言宜遣四使分道振且擇才能御史為
巡按庶荒政有裨因薦給事中宋琮陳瑒韓鼎御史
曹璘郎中王沂洪鐘員外郎東思誠評事王寅理刑
知縣韓福及壽州知州劉槩可使而巡按則鼎足任
之璋遂草疏偽署同官陳景隆等名言吉人抵抗成
命私立朋黨帝怒下人錦衣獄令自引其黨人以鼎
璘思誠槩福對璋又嗾同官陳璧等言璘福思誠非
其黨其黨則鼎及李文祥鄒智知州董傑逮是也槩
嘗餽送鼎白金貽之書謂夜夢一人騎牛幾墮鼎手
挽之得不仆又見鼎手五色石引牛就道因解之曰
人騎牛國姓意者國傾將賴鼎扶之引君當道也鼎
槩等自相標榜詆毀時政請并文祥智傑逮治疏上
吉從中主之悉下錦衣獄坐槩妖言律斬鼎受賄成

肅州人欺罔削職智文祥傑皆謫官王恕以緊書詞
雖妄與妖言有間上疏申救帝意動命姑繫獄既而
熱審何喬新等言緊本不應妖言律且緊五歲而孤
無兄弟母孫氏守節被旌緊死母必不全務恤乃減
緊死戍海州方籍之論暑月輟講也董傑謁選至京
亦疏抗爭之由是知名為吉所忌故璋指以為吉人
黨文祥自咸寧召為兵部主事未逾月而復
坐累摘吉以洩舊憤也璋遂擢大理寺丞
遼海州南海軍尋置臨海縣為州治金改澄州元省
明洪武中置海州衛屬遼東都司本朝順治十年
改海城縣屬遼陽府十四年改屬奉天府吉人長安
人張悅字時敏松江華亭人魏璋鄢陵人尋坐事下
獄默為九江同知悒悒死韓鼎合水人曹璘字廷暉
襄陽人王沂武進人洪鍾字宣之錢塘人束思誠華
州人王寅客城人韓福陝西西安人劉緊濟寧人陳
景隆福建長樂人陳璧高郵人董傑字萬英涇縣人

質實

海州

以馬文升為兵部尚書兼提督團營

前年夏文升以都御史督團營至是代余子俊為尚書兼督如故時兵政廢弛西北部落不時窺塞下文升嚴覈諸將黜貪懦三十餘人奸人大怨夜持弓矢伺其門作謗書射入東長安門內帝聞詔錦衣衛緝捕給騎士十二人衛出入文升乞休懃諭之文升以營軍久若工役力陳其弊又請于每營選馬步銳卒二千遇警徵調且遵洪永故事五日一操以二日走陣下營三日演武皆報可

夏五月河決開封入沁河

河決自原武由開封黃沙岡六所又決埽頭五所東北入河沁溢流為二一決南岸自于家店經蘭陽縣南東至歸德由徐邳入淮一決北岸自封邱縣之荊隆口漫祥符潰儀封縣之黃陵岡東經曹濮入張秋

運河郡邑多被害汴梁尤甚議者請遷開封城于許
州以避患布政司使徐恪持不可乃止命所司後夫
五萬人治之已而命戶部侍郎白昂總理河道昂舉
郎中婁性協治役夫二十五萬築陽武長隄以防漲
秋引中牟決河出滎澤濬宿州古汴河又濬歸德睢
河使河流入汴汴入睢睢入泗泗入淮以達海南北
分治水質實一統志埽頭堤在開封府城東北四十
惠稍寧質實里于家店在陽武縣東接封邱縣界儀
封縣元因衛邑名置縣明屬開封府今因之黃陵岡
在儀封縣東北五十里接山東曹縣界許州春秋時
許國秦漢為許縣後周為許州明屬開封府今升直
隸州古汴河在宿州城北自河南永城入界又東南
流入虹縣界隋時自汴開河經州境至泗長千三百
里兩岸築隄今州城東南尚有故跡名曰隋隄歸德
睢河在府城南自陳留縣東南經睢州寧陵之南流
入境又東至夏邑永城之南而入徐州汴水即禹貢

之灑水謂河出為灑也春秋時謂之邳水秦漢間曰鴻溝漢志謂之狼蕩渠泗水源出山東泗水縣東五十里陪尾山至濟寧分流北流謂之北清河南流謂之南清河南清河南流至江南宿遷縣雖水入焉又南至清河縣分西北三汭河口達淮徐恪字公南常熟人白昂字廷儀武進人

秋七月詔求直言

詔曰近者京師霪雨南京有大風雨之異朕當檢身飭行祇謹天戒爾文武羣臣其勉加修省政事有關失當更正者以聞于是給事中韓重等應詔陳四事一存敬畏以契天心一慎用人以奉天命一祛弊政以消天變一謹號令以肅天威帝深嘉納然御史歐陽旦上言七事極詆闕臣劉吉不職乞罷歸田里帝以其妄言質實韓重降州人歐陽旦安福人歐切責之

冬十二月甲申朔日有食之

賜故少保于謙謚

從應天府尹于冕請也帝曰謙能安社稷以遏寇畧其定國捍忠之績著矣中羅權姦之害雖先帝已嘗昭雪優加褒卹而不使之廟食于後猶未足為効忠者勸乃加贈光祿大夫上柱國謚忠愍立祠墓所賜額曰質實
西湖志旌功祠在三台山案明史本傳作肅愍與明實錄作忠愍者異

庚戌三年春正月下南京御史姜綰等十人于獄尋貶官宥太監蔣琮罪不問

南京沿江蘆場故隸三廠給中官採用成化初江浦縣田多沉于江而瀕江生沙洲六民請耕之以補沉

江田額洲與蘆場近太監黃賜為守備時受奸民獻指為蘆場收其利民失業歲額租課仍責償之民帝立詔勢家悉逐投獻地縣民乃相率懇于朝下館等覆按守備太監蔣琮督館右己館怒偕同官劾琮奪民利因及其侵漁諸不法事刑部尚書何喬新請移南京法司勘其罪琮條辨館疏謂已嘗奏下李致省獄縮喬新其鄉人共傾已圖報復事未白而太監蔣鐸請再勘後湖田之獄後湖者洪武時置黃冊庫其中令主事給事中各一人守之百司不得至且禁湖壩勿田歲久湖漸淤壩日廓太監陳祖生遂壅為田御史余濬劾其違制下南京主事盧錦勘報時錦與給事中方向監後湖黃冊祖生慮錦勘實遂訐錦向嘗伐湖灘葦實侵官利復下其事于應天府尹尋白矣會郭錦奉使兩廣道南京駕方舟泛湖御史孫絃以擅遊禁地劾錦錦怒歸懇于帝言府尹楊守隨勘錦向失出御史不劾奏獨繩內臣帝乃遣太監

何穆大理寺少卿楊謐再勘後湖田及綰琮互訐事
比報謂守隨失出如鏞言綰琮互訐皆私忿琮不當
受獻地屬勘官誣指綰喬新為改省黨綰等不當還
忿濟奏乃視錦職謫守隨向有差綰與同官孫紘劉
遜金章紀傑曹玉譚肅徐禮余濬給事中繆樗皆逮
治給事中陳瑀等言不宜以一內臣而置御史十八
於獄不聽至是遂宥琮而貶綰等為州判官祖生雖
違制墾田亦不問是時大學士劉吉方牢籠言路建
議起遷科道官處以不次之擢顧兩京言官攻吉不
已吉恨甚既噉魏璋與吉人獄以斥已所惡者而綰
琮互訐事復起琮素恃才辯為同類所疾獨吉比之
因太監鏞亦惡言官遂交謫于帝故帝特宥琮而抑
綰等尚書李敏等屢言琮綰同罪異罰失平帝先質
入吉諧不納也由是中外益惡吉所為為之側目
實

實

綰字壬卿弋陽人余濬慈谿人盧錦長壽人方
向字與義桐城人孫紘字文冕鄞人楊謐字文寧

儀封人劉遜安福人金章崑山人紀傑磁州人曹玉
江寧人譚肅壽張人徐禮餘姚人繆樛字全之涿陽
人

二月免河南南畿湖廣稅糧

時以河南當河決後民困未甦特詔蠲其秋糧越三
日戶部以鳳陽淮揚鄆陽南陽諸郡水旱請免徵芻
糧及麥絲之稅帝曰凶歲當損上益下必欲取盈如
民病何部臣言甚稱朕旨亟如所請行已而潞沁二
衛所屯田被災明制屯田災及三分乃免糧部臣格
于例不敢請蠲帝聞之曰歲饑方將振之安可復徵
特免
質實
潞州衛沁州千戶
所並隸山西都司

三月限天下預備倉積粟之數

預備倉之設固欲廣為儲蓄以濟山荒但良法美意亦當措置有方期于通行無阻若必十里而積粟萬石則窮鄉僻壤何所取資勢必購糴轉以滋弊況今州縣軍官皆以及數者為旌擢則有司惟志在取盈必至橫征苛派累及閭閻

洪武中始設豫備倉選者民掌之後漸廢弛于謙撫河南山西修其政周忱撫南畿別立濟農倉他人不能也正統時重侵盜之罪至僉妻發成且定納穀千五百石者救獎為義民免本戶雜役凡振饑米一石俟有年納稻穀二石五斗還官至是限州縣十里以下積穀五千石二十里積二萬石其上以是為差至八百里以下限積十九萬石衙千戶所積五千石百戶所三百石考滿之日稽其多寡以為殿最不及三分者奪俸六分以上謫官

秋閏九月禁宗室勲戚奏請田土及受人投獻

帝登極後詔勢家所受獻地悉歸之民尋有南京蘆場之訟其樊未革刑科給事中胡金復以為言乃申是命已而奉御趙瑄獻雄縣地為東宮莊戶部尚書周經劾其違制下瑄詔獄敕諸王輔導官導王奏請

尚何實惠之足
言乎

者罪之然帝性寬厚雖屢申禁不能盡執法其後奏
獻不絕乞請亦愈繁微與峻衡四王田多至七千餘
頃會昌建昌慶雲三侯爭
田帝輒賜予卒莫之禁也質實
按外戚恩澤表會昌
十六年襲慶雲侯周壽成化十七年
封建昌侯則張延齡也胡金漢陽人

發明

明宗室勲戚之有莊田自太祖始其有乞請
則自仁宣時始厥後投獻之風起侵奪之弊

生而莊田厲民滋甚孝宗燭知其害一旦申禁而
約飭之庶乎除民所疾苦矣乃未幾而奏獻如故
陳乞愈繁四王三侯競取膏腴以撓法制不知孝
宗何所瞻徇而竟不能使令行于貴近哉方成化
四年憲宗禁勲戚請民田尋又曲從慶雲伯之請
其取譏于選悞固宜獨孝宗求治方殷顧亦出此
屢申禁而中多更變施善政而弗克有
終優柔姑息之害於政事一致此耶

集天文志翼南
有杵星無曰星
且天津在女宿
之上自此而東
過營室中間所
應係虛危分度
與箕宿毫無交
涉蓋危上有內
杵三星四四星
丹元子所謂危
之黑五號人星
人畔三四杵曰
形者正其所應
之地註引算南

冬十一月有星孛于天津詔羣臣言闕失

大學士劉吉等言妖星見天津厯杵白近營室考之
載籍其占為兵為饑為水旱今兩畿河南山西陝西
旱蝗四川湖廣歲不登倘明年復然恐盜賊竊發禍
亂將作願陛下節用度罷宴遊屏讒言斥異教留懷
經史講求治道沙河修橋江西造瓷器南海子繕垣
牆皆非急務宜悉停止帝嘉納之初吉在成化時無
所規正及帝即位見帝仁明同列徐溥劉健皆正人
而吉于閣臣居首兩人有論建吉每署名于前托正
論以自質實晉書天文志天津九星橫河中生四瀆
益焉津梁杵白輯覽注引晉天文志杵三星
在箕南按史記天官書杵白星危南注杵三星在文
人星旁主軍糧占正下直曰吉與白不相當軍糧絕
也白星在南主春其占覆則歲大饑仰則大熟也又
史記營室為清廟注元命苞云營室二星埏陶精類

之杵星非是

始立綱紀包物為室爾雅云營室謂之定郭璞注定
正也天下作宮室皆以營室中為正也一統志南沙
河在昌平州南即古易荆水之源出神頭嶺山
東流逕鞏華城南又東逕竇家莊入北沙河

十二月京師地震

是月十二日巳
未也日凡再震

辛酉四年春二月敕法司慎刑

敕法司曰曩因天道示譴敕天下諸司審錄重因矜
疑放遣者數十百人朕以為寬之于終孰若慎之于
始嗣後兩京三法司及天下問刑官務存心仁恕持
法公平詳審其情罪所當毋姑息毋苛刻毋傳致于
一時冀不
坐于他日

三月建兩廣總督秦紘尋免歸

初紘蒞鎮劾總兵官安遠侯柳景貪暴不法逮下獄
景亦許紘勘無左證法司當景死景連姻周太后家
有與援許紘不已命并逮紘連鞠卒無罪詔宥景死
奪爵閒住而紘亦罷歸王恕請留紘不納紘自成化
末被誣為尹旻黨請官帝即位以恕薦督漕運尋督
兩廣軍務在制府二年多所飭治時中官武臣鎮兩
廣者率縱私人投商賈高居私家擅理公事賊殺不
辜交通土官為奸利前督臣宋旻屠瀟喋不敢言紘
至疏聞于朝且言天下鎮守官皆得擅執軍職受民
訟非制請嚴禁絕總鎮府故有賞功所歲儲金錢數
萬費出無經宜徙都御史勾稽廣湖南韶多盜當設
社學編保甲以絕盜源帝悉從其請思城知州岑欽
攻逐田州知州岑濤與泗城知州岑應分據其地紘
督兵入田州逐走欽還濤于府留官軍戍之亂遂定

復遣將討平黎賊于陵水徭賊于德慶方議勦後山賊而逮治命下絃部署軍事畢從容就道儀衛騶從不貶損既踰嶺因服就繫謂官校曰兩廣蠻夷雜處總制體尊遽就拘執恐損國威既踰嶺真因矣人服其知質實

潮州隋州元路明府韶州隋置元路明府今皆因之恩城在田州北二百五十里唐

羈縻州明設土知州隸廣西布政司岑欽既為絃逐走岑應所乞兵總鎮官即檄應捕欽欽遂殺應已而應弟接伴以兵送欽就道上殺之欽孫桂佩黨亂被誅州遂廢陵水隋置明屬萬州以隸于瓊州府後山在廣州境按雷禮列卿記絃令按察使孔魯討後山賊魯檄廣州知府林泮繪其地圖遣都指揮馬義李敬何清統官軍土兵分四哨以進攻破黃竹長坪等山砦十餘所斬獲一千八百有奇絃被逮時所議勦者蓋此役也柳景安遠侯溥之孫

夏六月京師地震

月之六日辛亥也日凡三震八月
乙卯南京及淮揚二府同日震

秋八月封弟五人為王

祐楷壽王祐樽汝王祐楫
涇王祐樞榮王祐楷申王

質實

明史諸王傳壽主憲
宗第九子姚安妃生

十一年之藩保寧正德元年以岐王世絕改就岐邸
子德安汝王憲宗第十一子張德妃生十四年之藩

衛輝涇王憲宗第十二子與申王祐楷皆楊恭妃生

十五年之藩沂州榮王憲宗第十三子潘端妃生正

德三年之藩常德申王憲宗第十四子未之藩卒按

明孝宗實錄稱汝王為十弟涇王為十一弟榮王為

十二弟申王為十三弟蓋憲宗第十子未名

璣不入諸子之序故所稱行次與明史異

罷刑部尚書何喬新

孝宗初政清明
迥非成化時可
比但既欲任人
圖治即當鑑察
正邪持以明斷
乃劉吉懷私曲
中鄒魯挾怨妄
彈致喬新竟不
安其位比窮治
無驗並不律以
誣奏示警貪士
而于魯僅予停
俸喬新亦聽其
乞休廟堂之上

時劉吉竊威福屢興大獄喬新率據法直之吉憾甚
前二年夏京城大水喬新請恤被災者家又慮刑獄
失平條上律文常更議者數事吉悉格不行大理丞
闕御史鄒魯覲遽而喬新薦郎中魏紳會喬新外家
與鄉人訟魯即誣喬新受賕曲庇吉取中旨下其外
家錦衣衛獄喬新乃拜疏乞歸頃之窮治無驗魯坐
停俸喬新亦許致仕喬新自為刑部即時都指揮袁
彬有所屬執不從彬怒使人招撫無所得即著剛直
聲性尤廉介既居家播州宣慰楊受感喬新勸訟白
其誣遣使厚致贈堅却之喬新後竟不復起居十二

年
卒
質實
鄒魯常塗人
魏紳曲阜人

九月以彭韶為刑部尚書

漫無可否致劉
吉輩恣橫自若
而王恕彭韶諸
人且相繼引去
孝宗之不克大
有所為實由仁
厚多而英察少
耳

班序後先朝廷
自有定制固無

前二年秋韶還自浙江尋改吏部與王恕甄人材敷
功實仕路為清何喬新既致仕以韶代之時安遠侯
柳景為秦紘所劾罷當沒入贓數千緡僅十一以其
母訴免韶執奏曰昔唐宣宗元舅鄭光官租不入京
兆尹韋澳械其莊吏宣宗欲寬之澳不奉詔景無元
舅之親贓非負租之比獨蒙宥除是臣等守法愧於
澳也
不從

冬十月河溢

開府懷慶及宣武睢陽諸
衛皆被災命有司振其家質實
明史兵志宣武衛睢
陽衛並隸河南都司

以禮部尚書邱濬兼文淵閣大學士預機務

尚書入閣自濬始初內閣委寄雖重然大學士秩五
品非加三孤及宮傳者仍班尚書下濬前以禮部尚

容爭競于其間
況大臣當以和
衷集事為期尤
不宜介懷位次
乃邱濬入閣以
後因王恕不讓
居前心懷不悅
輒于內宴時徑
據上坐妄自尊
崇殊夫敦共和
中之義濬稱深
于學問者豈明
于人而昧于已
耶

書掌詹事與恕皆晉太子太保恕吏部長六卿位濬
上及濬入閣自以閣臣任隆當尊異而恕循舊制弗
讓也濬不悅既而內宴濬徑居恕上其後
由侍郎詹事入閣者班皆列六部尚書上矣質實
溪雜記尚書入內閣自焦芳始王世貞史乘考誤
謂以大臣入閣者芳以前有王文邱濬何云芳始

十二月土爾番獻還哈密城

先是阿哈瑪特既據哈密十一城朝廷不加詰責但
令貢使還諭其主歸侵地番人知中國易與不奉命
復遣使來貢從廷臣議拘留其使臣乃稍懼既而偕
賽瑪爾堪貢獅子願獻還城印帝喜召使臣入大內
縱觀獅子戲賚以尚食及使還命內官張希護行閣
臣因言阿哈瑪特殺我所立或不即討亦當封關絕
貢今優寵其使臣又遣中使伴送於恩則已過矣况
聞彼方集兵秣馬謀犯肅州名雖奉貢意實巨測使

彼恃恩無憚或更狡焉以逞則損中國之威不小帝乃止帝行却其後使時耿裕長禮部馬文升長兵部咸知國體於貢使多所裁抑閭臣劉吉方自矯飾亦頗能持却貢議于是阿哈瑪特知中國有人款關願還十一城及前阿爾所掠金印邊臣聞諸朝許之至是果以城印來歸乃厚賜其使先所拘者盡釋還之

質實

賽瑪爾堪即漢屬賓地元太祖蕩平西域盡以諸王駙馬為之君長始有賽瑪爾堪之名距嘉

峪關九千六百里 賽瑪爾堪舊作撒馬兒罕今改

鳳陽陵火

時有遺火山場者遂延藝九十餘里巡按官劾留守王正等罪贖杖還職

召秦紘為南京戶部尚書

言官論絃無罪詔起之初絃巡撫山西勅鎮國將軍奇澗橫恣不法奇澗父慶成王鍾鑑為奏辨且誣劾絃憲宗重建王意逮絃下法司治事皆無驗內官尚亨籍絃家以所得敝衣數事奏憲宗嘆曰絃貧一至此耶賜鈔萬貫旌之於是奪奇澗爵王亦削祿三之一而改絃撫河南時成化十六年也絃自為大臣先後以勅宗戚幾重得罪賴廉直受主知又所在皆著勞績為廷臣所推故得再仆再起也

質實

明史諸王

表慶成王濟炫晉恭王桐第四子永樂元年封別城汾州鍾鑑其孫也正統十二年襲封奇澗鍾鑑庶子

壬子
五年春二月減陝西織造絨氍之半

巡按御史張文言陝西歲歉之後民病未甦司禮監近下帖子降圖式織造絨氍數百事並宜停止以其價振業貧民命減所織之半是年八月復以**質實**明水災停南畿浙江額外織造召督造官還

食貨志永樂中始令陝西織造駝駝又云明制蘇杭等府各有織染局歲造有定數天順四年遣中官往蘇松杭嘉湖五府於常額外增造絲織七千疋增造坐派於此始張文泰州人

三月立子厚照為皇太子大赦

帝長子前年秋九月丁酉生張皇后所出也

夏五月求遺書

大學士邱濬言高皇帝當至正丙午之歲始肇帝業首求遺書既平元都得其館閣秘藏又廣購於民間一時貯積不減前代太宗當多事之時猶集儒臣纂永樂大典以備攷究今承平百年中外無事烏可使經籍廢墜夫民庶之家遷徙不常好尚不一既不能廣有儲藏即儲藏亦不能久遠所賴石渠遂閣積聚

之多收藏之密局鐫之固類聚者有掌故之官闕畧者有繕寫之吏損壞者有修補之工散佚者有購訪之令然後不致廢殘闕失前代藏書之多有至三十萬卷者近內閣書目不能什一數十年來在內未聞政枝在外未聞購求及今失之恐遂放佚自古藏書不一所漢有東觀蘭臺鴻都唐有秘書監集賢書院宋有崇文館祕書省國朝罷前代臺監館省之官併其任于翰林院設典籍二員掌文淵閣書籍南京國子監雖設典籍僅掌朝頒降之書及舊鈔書板而已今請敕內閣所藏書籍令學士以下習典籍官彙若干冊冊若干卷檢其有副本者分貯一冊于兩京國子監若內閣所無或不備者乞敕禮部行天下提學官榜示購訪俾所在有司校錄費呈其藏書之所二在京師曰內閣曰國子監一在南京曰國子監使一書而存數本一本而藏三所每歲三伏時令翰林院寮屬同赴閣監曝書畢事局鐫廷臣有因事欲

稽攷者奏請詣閣以為常規則于文質實前代藏書
治有碑焉疏上帝嘉納之尋有是命質實之多有至
三十七萬卷者北史隋西京嘉則殿有書三十七萬
卷煬帝命祕書監柳顧言詮次其重複得正御本三
萬七千餘卷石渠漢彝元成傳注石渠閣在未決殿
北東觀後漢和帝紀注陸機洛陽記曰在宮南高閣
十二間介于承鳳觀蘭臺漢百官表御史中丞在殿
中蘭臺掌圖籍祕書鴻都後漢靈帝紀光武元年始制
鴻都門學注鴻都門名也祕書監唐百官志祕書省
監少監丞各一人掌經籍圖書之事宋志設官同集
賢書院唐百官志注開元五年置乾文院寫四部書
六年更號麗正十三年改麗正書院為集賢殿書院
按四部之分始于魏祕書監荀勗一曰甲部紀六藝
及小學等書二曰乙部有古諸子家近世子家兵書
術數三曰丙部有史記諸事皇覽簿雜事四月丁部
有詩賦圖贊汲冢書然勗所分四部以史次子後自

梁處士阮孝緒撰七錄改列紀傳錄于兵錄之前而隋更定四部遂以六藝經緯史之所記諸子集部為序唐四部書因之又以四部各為一庫經庫鈔白牙軸黃帶紅牙籤史庫鈔青牙軸縹帶綠牙籤子庫雕紫檀軸紫帶碧牙籤集庫綠牙軸朱帶白牙籤以分別之崇文館宋太宗紀太平興國三年以三館新修書院為崇文院按宋書王儉傳稱明帝置東觀祭酒晉志稱魏蘭臺選二御史居殿中唐志稱龍朔二年改秘書省曰蘭臺則宋亦有東觀魏唐亦有蘭臺不獨漢也通典稱漢延熹二年置秘書監唐志稱東宮官崇文館學士二名唐六典注稱魏有崇文館則秘書郎掌始於唐崇文館亦非始于宋也宋志稱秘書郎掌集賢院圖籍則宋亦有集賢院不獨唐也唐宋皆設秘書省其官皆稱曰監亦非唐謂之監而宋謂之省也濬云然者特臨文偶舉耳

六月下御史彭程于獄尋遣戍

程巡視光祿寺見造皇壇祭器皇壇者憲宗齋醮之所也程疏言光祿金錢皆民膏血用之得當猶恐病民况投無益之地先帝篤信李孜省繼曉輩意在求福今二人已伏辜尚不能自免禍焉能福人陛下即位若輩廢斥殆盡何復有皇壇置罷果復有此則宜遏之將萌如無之請治所司逢迎罪時帝初無造皇罷之命特光祿仍故事未革置以備也帝得疏以程暴揚先帝過下之錦衣獄給事中叢蘭亦巡視光祿寺繼上疏論之帝宥蘭奪光祿寺卿胡恭等俸已而刑部尚書彭韶擬程贖杖還職帝不許韶復抗章申救且言光祿寺廉用無籍經費不支性物槩除之市肆大為賈人累及今不節恐無以善後程欲國家惜經費心本無他但不應引李孜省事疏入帝令光祿寺籍歲出之數以聞而戍程及家屬于邊

質實

彭程字萬里鄱陽人黃蘭子
廷秀文登人胡恭扶風人

秋七月振南畿浙江山東飢

從尚書馬文升請也尋命侍郎吳原巡視浙江督有
司振飢先是餘杭致仕尚書鄒幹疏言浙江水旱相
仍民窮且盜乞急行蠲恤帝曰幹家居尚憂國其賜
羊酒文綺勞幹于是浙江特有督振之命時給事中
吳世忠請振災無俟勘覆其言尤切畧云近者南畿
及山東諸行省各以災告而浙江為甚致廩宸衷屢
飭百司經畫乃振恤之典有加而實澤未究良由府
縣官吏發粟不時文書勘報動淹旬月俟既得食而
飢者已死而流者已遠又况書吏胥役因緣為奸更
有不可勝言者今欲約之以法莫若稽註冊籍以產
之多寡驗民窮富凡遇給振視此為則富者不得濫
支貧者獲沾實德庶弊革而惠行因條上興水利復

劉吉擅攬權勢
專以傾軋為能
宣宜令其父玷
政府至是以逆
旨見斥轉未當
其罪至時論以
其耐人彈擊目
為棉花固不免
于輕薄吉乃妄
肆猜疑遽怒舉
子竟令三試不
第者盡阻其上

八月劉吉罷

常平倉二事
詔舉行之
質實
餘杭秦縣明屬杭州府今因
之吳世忠字懋貞金谿人

吉居內閣十八年柄政久權勢烜赫帝初頗加委任
後眷亦漸衰而吉無去志及是帝欲封后弟伯爵命
吉撰誥券吉言盡封二太后家子弟乃可帝不悅遣
中官至其家諷令致仕給驛歸吉性機詐善附會自
矯飾銳於行私屢為言路所攻屢晉官至少師人目
之為劉棉花以其耐彈也吉疑言出下第舉子因請
舉人三試不第不得復會試時適屆會試期舉子已
羣集都下禮部為請詔姑許入試後如令已而吉罷
令亦不行吉
質實
按明史思澤侯表孝宗張皇后繼
歸踰年歿弘治四年封壽寧伯五年三月進
侯八月卒十一月子鶴齡襲次子延齡八年封伯十
六年進侯則時所欲封伯者蓋鶴齡也旋當襲父侯

進之階遲應行
私奸惡實甚孝
宗何賴聽其言
不加深察耶

爵故封伯
之命亦寢

冬十月更中鹽法

洪武時於各邊開中令商人募民墾種築臺堡自相
保聚邊儲以充成化中始以銀易米然未嘗著為令
至是戶部尚書葉淇請召商納銀運司類解太倉分
給諸邊每引輸銀三四錢有差視國初中米直加倍
而商無守支之苦舊制商輸粟畢書所納粟及應支
鹽數齎赴各運轉提舉司如數支鹽既而鹽不時給
有祖孫相代候支鹽不得者商人大困報中亦浸怠
淇新法行爭便之一時太倉銀累至數百萬然赴邊
開中之法廢商屯撤業
穀粟翔貴邊儲日虛矣

發明

葉淇召商納銀之議論者多咎其更開中法
以致邊儲日匱而不知明代邊儲之匱自在

屯政不修而不盡闕於鹽法其鹽法之壞又在勢
家乞中而不闕漠之變法也蓋產鹽有盈有絀邊
地不能懸知則但知召商開中而初不為支鹽計
故守支之弊在永樂時已所不免逮憲宗之世勢
家爭先奏乞所賜鹽引動以萬計且許其越塲支
鹽不限年次于是商人益困守支而鹽亦壅閼不
行夫商人挽輸數千里外守支至數十年之久而
不得鹽及既得鹽復為奏乞鹽所壅閼而不獲速
售然則商人之病開中亦極矣雖日下令招之其
誰應哉漠見報中之怠乃為更制以利商商利則
報中多報中多則國課裕是亦救弊之策也如云
商屯撤業邊粟翔貴獨不思塞下之地商可屯軍
不可屯乎明食貨志稱成化時屯田法廢戍卒多
役于私家子粒不歸于公廩論者不深咎此而徒
責其變法亦昧于
輕重之計者矣

十一月停納粟例

初成化未開納米例振陝西河南諸省飢及是尚書王恕言永樂宣德正統間天下亦有災傷各邊亦有軍餉常時無納粟例糧不聞不足軍民不聞因弊比年來一遇災歉執行捐例人既以財進身欲其砥厲廉隅為循吏豈可得也帝即命止之

癸丑六年春二月錄常遇春李文忠鄧愈湯和裔世襲指揮使

五年春立皇太子頒恩詔中外以太廟配饗功臣追封王者六人皆佐太祖定天下有大勲而其子孫不替爵者惟中山黔寧二王裔餘皆凌夷與編氓伍令吏部訪以聞乃得常遇春元孫復李文忠元孫璿鄧愈五世孫炳湯和六世孫紹宗皆命入指揮使奉先祀時有滁人郭琥自言滁陽王子老舍四世孫亦命

予冠帶奉祀已而為宥氏所訐宥氏者故滁陽王鄴
太祖復其家令世守王基者也禮部審滁陽王碑文
王果無後老舍非除
陽王子奪琥冠帶
質實
功臣追封王者六人按明
史功臣表為中山王徐達
開平王常遇春岐山王李文忠寧河
王鄧愈東甌王湯和黔寧王沐英

河決張秋以劉大夏為右副都御史治之

河決張秋戴家廟掣漕河與汶水合而北行遣工部
侍郎陳政督治政尋卒命廷臣會薦才識堪任者大
夏方為浙江左布政使以王恕薦賜敕遣之時河流
湍悍決口濶九十餘丈大夏行視之曰是下流未可
治常治上流于是即決口西南開月河三里許屬之
舊河使通漕乃濬黃陵岡南賈魯舊河四十餘里由
曹出徐以殺水勢又濬孫家渡口別鑿新河七十餘
里導使南行由中牟潁上東入淮又濬祥符四府營

淤河由陳留至歸德分為二一由宿遷小河口一由
亳州渦河俱會于淮然後沿張秋兩岸築臺立表貫
索聯巨艦穴而窒之實以土至決口去窒沈艦壓以大
埽且合且決隨決隨塞連晝夜不息功乃成帝遣行人
往勞張秋名安平鎮大夏又言安平決口既塞下流
已治黃陵岡居安平鎮之上流河口廣九十餘丈荆
隆等口又居黃陵岡之上流其廣四百三十餘丈黃
河至此寬漫奔放必築塞諸口導河上流使南下徐
淮庶可為運道久安之計廷議如其言八年正月大
夏乃興工築塞黃陵岡及荆隆等口七處五旬而畢
于是上流河勢復歸蘭陽考城逕歸德徐州入運河
會淮水東注于海南流故道以後又築長隄亘三百
六十里起于家店歷銅瓦廂抵小宋集大小二隄相翼
十里起于家店歷銅瓦廂抵小宋集大小二隄相翼
潰決之患始息水大治乃召大夏還黃河自金明昌
中南北分流其後南流盛而北流漸微明正統景泰

間嘗東決大清河入海雖即修治而支渠猶有存者
至黃陵岡既塞于是黃河始全入于淮而北流遂絕
質實戴家廟水道提綱運河自安開折而西西北流
有魏河自西南來會又西北為戴家廟開又西
北過安平鎮益廟在東平州西安平鎮東南明一統
志孫家渡在滎澤縣東南五十里正統十三年河嘗
決此四府營在開封府城北宿遷唐縣明屬邳州今
屬徐州府小河口在宿遷縣東亦曰睢清口亳州渦
河在州西三十八里從河南鹿邑東流至城壯與馬
家河合流入蒙城縣界考城東漢縣明屬睢州今屬
歸德府睢城隋縣明屬衛輝府今省入延津銅瓦廂
初名銅牙城在蘭陽西北元嘗置縣後廢劉大夏字
時雍華容人陳政字
以正江西新昌人

夏四月土爾番復據哈密

土爾番既獻還哈密城馬文升言番人素服蒙古非
元裔鎮之不可乃訪求定安王沁布之族人曰善巴
將冊為王以主哈密沁布怒曰善巴不應嗣王爵爵
應歸緙爾濟善巴者故忠順王托克托近屬從孫而
緙爾濟者沁布弟也先是哈密無主廷臣固嘗屬緙
爾濟憚哈密多事不欲立既事定又覲得爵兵部以
其反覆持不許會諸番亦言善巴可立遂嗣封忠順
王而以阿穆呼朗為都督僉事輔之時五年春二月
也已而諸番索善巴犒賞不得皆怒尋阿穆呼朗又
引默克埒人掠土爾番牛馬阿哈瑪特怒潛兵夜襲
哈密圍之三日諸番莫肯捍禦沁布以立非已意亦
不救納默克埒衛拉特二部兵來援俱敗去乃執善
巴禽阿穆呼朗支解之伊蘭復據守事聞邱濬謂馬
文升曰西陲事重煩公一行文升曰西域人嗜利自
古未能為中國患者徐常靖之濬復以為言文升請
行廷臣僉言北寇方強本兵不當遠出乃命兵部侍

郎張海都督同知緱謙往經畧二人本庸才但遣土
爾番人歸諭其主令還侵地身駐甘州待之明年阿
哈瑪特遣使叩關求貢說言願還善巴及哈密廷議
以番人譎詐欲棄善巴閉關不通貢海等聞之大喜
遽逐土爾番使者封嘉峪關而
還言官劾其罪並下吏貶秩
質實
張海字文淵德
州人沁布舊
作千奔善巴舊作陝巴綽
爾濟舊作綽爾加今並改

發明

土爾番復據哈密已晚然有輕中國之心海
等奉命經畧惟當厚集赤斤罕東諸部兵深
入決勝襲斬伊蘭庶可震懾番人俾不敢復萌窺
伺何竟一籌罔展坐待甘州及聞敕書將棄善巴
乃遂閉關逐使拜疏還朝孝宗僅予降秩以示措
置乖方之譴固為軼罰然與其治之事後何如慎
之事前使當日不為廷臣所惑決意用馬
文升以任斯役亦何至若海等之所為哉

閏五月免應天蘇松田租

蠲祖一百八十餘萬石水災故也是年以災蠲者潘陽諸衛屯糧六萬四千餘石順天州縣夏稅萬五千餘石及河間保定山西太原諸府平陽諸縣夏稅河南開封諸府夏稅之半祥符諸縣秋糧而蘇松與山東仍皆飢從應天巡撫侶鍾請留蘇松常湖四府漕糧三十萬石畀鍾分振山東巡撫王霽先後請發帑金五十餘萬米二百餘萬石選廉能質實侶鍾字大吏驗口給之活飢民二百六十餘萬

王霽字景明上海人

罷吏部尚書王恕

邱濬與恕不相能恕考察天下庶官奏罷二千人濬請未及三載者復任貧暴非顯著及素行不謹在陞

王恕力持銓政秉正不阿致為

奸邪誣劾蒙垢而去其事實由于邱濬之陰忤害賢曲直固難逃公論然方恕以罷政退閒自宜杜門靜守何乃希心名譽輒欲以佳傳博取虛聲且令其刊布流傳使宵人得據為口實其自檢之疎固亦不能無責耳

任前者勿斥留九十餘人恕屢爭不能得因力求罷不許太醫判劉文泰者求遷官為恕阻銜之文泰故往來濬家知濬忤恕因訐恕變亂選法且言恕居里時屬人作傳鏤版行之歷數先帝之失無人臣禮恕知文泰受旨于濬乃奏辨乞賜廷鞫于是下文泰錦衣衛訊狀詞果連濬濬亦疏辨帝心不悅恕乃敗文泰御醫責恕沽名令焚所鏤版置濬不問恕連章辭去聽其馳驛歸恕敬愿中外五十餘年天下稱名臣必首推恕濬顧尼之由是衆論大不直濬

六月大旱蝗

飛蝗過京師自東南而西北日為掩者三日戶部請遣順天府丞畢亨行縣督捕其直隸府衛及各布政司並令正佐官行視從之質實畢亨山東新城人

總督兩廣右都御史閔珪擊破古田叛獍

初古田獍種甚繁最強者曰韋曰白日閉既而皆并
于韋賊首韋朝威據古田縣官竄會城遣典史入縣
撫諭烹食之前年春副總兵馬俊參議馬銓自臨桂
進討遇伏敗死詔奪閔珪等俸及是珪與總兵官毛
銳復進兵連破七寨他賊百餘寨皆就撫獍患漸戢
于是南京戶部員外郎周琦上討獍三策謂桂林之
古田柳州之馬平山勢綿亘複徑岡連大軍北進則
賊南走西進則賊東走師甫退則賊盤據如故以是
屢發兵討迄不能創賊所當厚集兵力環四面銳攻
遏其奔竄之路以覆其巢撫定殘獍召還逋名編戶
給田薄租賜復或析村附鄰縣或因俗置土官三年
安堵然後班師此為計長久之策如不能然仍止調
附近官軍與土兵進勦則師期不可不早往者討獍
之師大抵秋徵冬集春初入山雨水即多瘴癘將發

勢不能久駐若于六月調發霜降進攻不致迫于撤
兵則深阻可窮而功乃克集且獐之賊叛雖常數十
洞蠟起而倡亂特一二凶渠郡縣既聞竊發四五百
里稟命制府議撫議勦輒輒淹旬時賊得以其間連結
諸獐勢乃益熾若責成分鎮軍官乘其蠢動即率所
部偕郡縣吏以時撲滅則可不徵師不糜餉而事濟
此二者亦創賊之策也騎馬平生長諸獐出沒之
地知其情勢故所陳策頗得賊要領廷議皆是之下
兩廣守臣議行而古田尋告捷守
質實
古田唐置古
臣幸紓患目前遂置琦策不用
田屬桂林府後沒于獲隆慶四年開復五年改置永
寧州仍屬桂林府今因之馬銓永新人毛銳西海人
伏菟伯
忠之孫

秋七月罷刑部尚書彭韶

詔淮任三年昌言正色與王恕何喬新稱三大老時
內官王明苗通高永殺人戕戍昌國公張巒建墳踰
制役軍至數萬畿內民冒充陵廟戶及勇士旗校輒
免徭役致見戶不支流亡日衆詔抗章極論皆格不
行而貴戚近習深疾之詔連疏乞休竟致仕去明年
南京地震御史宗彛等言詔喬新諸臣宜召用不報
又明年詔質實張巒封壽寧侯贈昌
卒謚惠安

八月京師大雨雹

是月辛未雨雹大如彈丸平地壅積禮部尚書倪岳
疏弭災惡務勸帝勤聖學開言路止無功之賞停不
惡之役黜奸貪進忠直帝嘉納之先是四方所報災
異禮部于歲終類奏率為具文岳在部乃以日月先
後彙分條析末復援証
經史為帝懇切言之

九月荆王見滿有罪賜死

初荆王祁錡三子長見滿次都梁王見溥樊山王見
溥見滿與見溥同母怨母之暱見溥也錡母奪其衣
食竟死出柩于寶召見溥入後園箠殺之逼淫其妃
何氏從弟見潭都昌王妻茆氏美求通焉見潭母馬
氏防之嚴見滿見馬氏鞭之囊土壓見潭死械繫茆
氏入官嘗集無籍子輕騎微服涉漢水掠人妻女見
滿懼其及也密聞于朝召至京帝御文華門命廷臣
會鞠見滿引伏廢庶人錡西內蓋前年冬十二月也
尋見滿從西內撫奏見溥罪誣其與楚府永安王謀
不軌帝遣使往按問不實見溥更奏見滿嘗私造弓
弩與子祐柄有異謀驗之實賜見滿死
廢祐柄而以見溥子祐桐嗣為荆王
質實明史諸王表祁
錡荆憲王瞻岫子都梁悼惠王見溥成化二年封樊
山溫懿王見溥成化三年封見潭都昌惠靖王祁鑑

庶長子成化十六年封楚府永安王蓋靖安王榮澹也榮澹為孟炯曾孫成化八年襲封正德十五年卒孟炯楚昭王第二子建文元年始封永安

冬十二月南京大雷雨

拔孝陵樹明年六月癸亥七月庚寅並如之

甲寅七年春三月詔羣臣言闕失

以六年冬孝陵風雨之變也尋從給事中馬子聰御史劉琬言命內外慎刑獄決輕繫

質實

馬子

聰廣平人劉琬宜春人

三月巡撫貴州都御史鄧廷瓚討平都勻苗

都勻苗也富架長脚等作亂恣掠清平諸衛前二年冬命廷瓚偕湖廣總兵官顧溥貴州總兵王通討之廷瓚以副使吳偉善計畫引贊軍事倬遣熟苗詐降富架誘入寇伏兵擒之乘勢深入連破百餘寨生擒長脚以歸羣苗震懼廷瓚言都勻清平舊設二衛九長官司以土人世官自用其法恣虐激變苗民亂四十餘年今元先就除非大更張不可請改為府縣該流官與土官兼治庶可久安于是設府一曰都勻州二曰獨山麻哈縣一曰
質寶
九長官司曰都勻廢司在清平苗患自此漸息
謂上都勻也曰平浪曰邦水曰平州陸洞曰九名九姓曰豐寧曰樂平曰平定曰陳蒙爛土麻哈州元托
托寨長官司屬新添葛蠻安撫司明洪武五年改置麻哈長官司隸平越衛至是升州屬都勻府今因之清平縣與清衛城同治屬都勻府本朝康熙七年省縣入麻哈州十一年復置縣以衛省入仍屬都勻

府鄧廷瓚字宗冠巴陵人吳倬字克大津安人

命兩畿捕蝗

民捕蝗一斗
給米倍之

夏六月康濟河成

初曰昂治開封決河既訖工遂自山東脩運河而南
抵揚州議所濬治時御史孫珩郎中吳瑞方董南河
事皆謂高郵州運河九十里自州西北三里入新開
河道于湖者五十里湖東南北為隄洪武中障以椿
正統中固以石屢失而復修其西北則與武安張良
七里珍珠甃社諸湖相灌注縈迴數百里每風濤作
扶舟觸堤石軌壞多覆溺者當于湖東開複河以避
其險昂是之上其議遂召工開鑿起杭家嘴厯清水

津抵丁志港長竟四十里兩岸壅土為隄隄首尾置
帥與湖通隄之東又置帥四涵洞一工竣賜名康濟
河會劉大夏治張秋河亦成于是
漕河上下無大患者二十餘年
質實
康濟河在高郵州西北新

開河東南俱通運河長濶各五十里天長以東之水
皆滙此而入淮武安湖在高郵州西南五十里張良
河在州北二十里七里湖在張良湖南三里珍珠湖
在州西七十里號社湖在州西二十里清水潭在州
北三十里丁志港在清水潭北十里列鄉記杭家
嘴在高郵州北二里孫珩徐州人吳瑞崑山人

秋七月京師地震

月之十九日乙巳也九月戌寅夜南
京地震十一月壬子京師地復震

命工部左侍郎徐貫經理蘇湖水利

時三吳水道堙塞給事中葉紳巡按御史劉廷瓚乞
遣官濬治乃命貫往偕巡撫何鑑理之貫上言東南
財賦所出而水患為多永樂初命夏原吉濬治時以
吳松江漕沙浮蕩未克施工逮今九十餘年港浦愈
塞矣臣相度地勢疏吳江長橋導太湖散入澱山陽
城昆承等湖又開大石趙屯等浦淺澱山湖水由吳
松江入海開白魚洪鮎魚口等處淺昆承湖水由白
茅港入江開斜堰七浦鹽鐵等塘淺陽城湖水由七
了港入海下流既通于是開湖州之洪涇淺天目安
吉諸山水自西南入太湖開常州之百瀆淺漂陽鎮
江練湖之水自西北入太湖又開諸斗門以洩運河
河之水由江陰入大江上流亦通東南水患少衰初
貫奉命奏以主事祝萃自隨明年四月事竣凡修濬
河涇港瀆湖塘斗門陡岸百三十五所役夫二十餘
萬萃之功居多然是時進于成功疏
白茅未深廣十數年後遂復壅塞

質實

陽城湖在
長洲東北

受吳松江之水東接崑山縣界昆承湖在常熟縣東南五里大石浦在崑山縣東南三十里趙屯浦在青浦縣西潑山湖之北南受湖水瀉于松江濶五十丈通江五大浦之一也鮎魚口在吳江縣北十八里自太湖分流出此斜堰在崑山縣西北三十里一名七浦塘常熟分境七浦在崑山縣西北三十里一名七浦塘鹽鐵塘在常熟縣東北五十里在嘉定縣西十五里七了港一名七鴉浦太倉州北三十六里又東三十餘里曰七鴉浦入于海溪涇在烏程縣西南郡有七十二淩在烏程者三十八在長興者三十四導茗雪之流注于太湖舊時皆有壩堰節宣所資後多堙廢天目山在孝豐縣西南六十里杭湖諸山其脉皆本于天目安吉東漢析鄞縣地置唐麟德元年移治于舊縣東北三十里明正德二年升州屬湖州府今仍降縣百瀆在宜興縣西南七十五里者為上瀆縣北六十里者為下瀆昔以荆溪居數郡下流于太湖口疏

百派以分其勢入開橫塘袤四十里以貫之導荆溪
下太湖頻湖畎澮皆通焉後漸廢溧陽唐分溧水縣
地置元升州洪武初復為縣屬應天府今屬鎮江府
練湖在丹陽縣城北一名鍊塘又號曲阿後湖江陰
梁太平三年置縣元升路後降州明洪武初仍改為
縣屬常州府今因之徐貫字源一淳安人葉紳字廷
揭吳江人劉廷瓚光州人何鑑世光
浙江新昌人祝萃字維貞海寧人

八月以李東陽為禮部右侍郎兼翰林侍讀學士典誥

勅

東陽素績學為文典雅流麗甚負時名預修憲宗實
錄及成由左庶子兼侍讀學士進太常少卿至是閱
臣徐溥等以詔勅繁請如先朝王直質實明憲宗實
故事設官專領乃推東陽入閣典之質實明憲宗實
錄二百九

十三卷劉吉等奉勅修成于四年八月吉徐溥劉健
為總裁邱濬汪諧副之監修者張懋也李東陽字賓
之茶陵人以
成籍居京師

冬十月立僉民壯法

初正統景泰間嘗募民壯願自効者然未立僉法至
是從給事中孫儒言乃令州縣七八百里以上里僉
二人五百里三人三百里四人百里以下五人俱于
丁衆糧多之家選年力強者以充有司以時訓練遇
警調發給糧以行而禁役占賄縱之弊
富民不願者則上直于官官自為募
質實孫儒鳳陽人

免北京河南湖廣陝西山西被災稅糧

乙卯八年春正月韃靼寇涼州甘肅總兵官劉寧擊走之

時韃靼北部的伊畢刺伊木王等入套駐牧小王子及陀羅海之子和碩居賀蘭山後與之相倚勢日強及是月壬子入犯涼川寧與戰擒斬五十餘相持至暮水輜重南行寇復來襲擒其長一人明日參將顏玉來援副將陶貞兵亦至寇乃遁俘其稚弱馬駝牛羊二千論功進右都督然寇尋犯宣府三入遼東明年犯宣大巡綏三邊皆震動韃靼自元年通貢後出沒套中數擾邊邊將率嬰城怯戰間有俘獲即以捷聞未能一挫効之由是恣抄掠無忌帝常念軍民苦寇特敕鎮巡官振恤給牛種顧御邊將寬不以玩寇罪也

質實

伊畢刺伊木舊作亦卜刺因和碩舊作火節今並改

發明

明史稱韃靼諸部長迭出為邊患與明終始此雖由韃靼之強亦明代軍政不修有以致

之耳當洪武之世叛服固亦無常而我索相維未至大為邊患厥後軍紀蕩然擒獲無幾即以為功

論古貴有特識
固不當勦說雷
同亦豈可獨徇
偏見邱濬謂岳
飛之未必能恢
復論雖未當尚
從南渡時勢立
言若范仲淹處

玩縱頻年而不以為罪所以九邊之士雲屯三捷
之書月奏而敵鋒終未稍挫寇警日益頻仍驕兵
情帥習焉成風論者謂御邊將
太寬所致然豈獨一李宗哉

二月乙卯朔日有食之

武英殿大學士邱濬卒

濬在內閣五年嘗以寬大啟上心忠厚變士習庶介
嗜學所居邸第極湫隘四十年不易既老右目失明
猶披覽不輟然議論好矯激譏范仲淹多事謂岳飛
未必能恢復秦檜有再造功聞者無不駭其言性褊
隘與劉健議不合至投冠于地言官建白不當意輒
面折之與王恕不相得至不交一言卒令所私劉文
泰許之去及是卒贈太傅諡文莊文奉性平濬妻叱
出之曰以若故使相公歸王公負不義名何弔為

置西夏苟且許
和其失在于畏
事而並非多事
所見殊為舛鑿
至于秦檜誤國
之罪婦孺咸知
而忽許其有再
造功顛倒是非
實足駭人聞聽
淳學問尚稱淹
貫所補大學衍
義自謂其可見
施行何評薦之
謬不近人情乃
至于此蘇軾稱
苟卿好為放言

以禮部右侍郎兼翰林侍讀學士李東陽少詹事兼翰
林侍講學士謝遷入內閣預機務

遷方居憂力辭服除始拜命晉詹事時徐溥為首揆
劉健班在二東陽遷繼入閣協心輔政事有不可軌
共爭之已而溥致仕去凡論言批答裁決機宜悉健
與東陽遷三人天下翕然稱賢相為之語曰李公謀
劉公斷謝
公尤侃侃

夏四月下山東副使楊茂元于錦衣衛獄

初命劉大夏治張秋決河已復遣中官李興平江伯
陳銳往協治之興威虐繫辱按察使且多索供億茂
元代攝司事上言治河之役官多而責不專有司供
億日康百金諸臣初祭河天色陰晦帛不能燃所焚

高論而不顧如
濬者殆更苟之
不如者耳

之餘宛然人而具耳目口鼻觀者駭異鬼神示怪夫
豈偶然乞召還興銳二人專委大夏功必可成且言
山東既有內臣鎮守復命李全鎮臨清徒滋民擾亦宜
撤還疏入下山東撫按官助奏言於帛之思誠有之
所奏供億多過其實而興銳連章劾茂元妖言詔遣
錦衣百戶胡節逮之茂元莅官有惠政父老遮道懇
節乞還楊副使既下錦衣獄節遍叩中官備述父老
愬冤狀中官多感動會言官交論救卽議贖杖還職
特謫長
沙同知
質寶
楊茂元字志仁邠人吏
部右侍郎守陳之子

發明

劉大夏奉命治河其所陳修濬之策皆可施
行其才足以勝任而愉快而必遭中官李興

董其事是視李興過于大夏也楊茂元第下按
撫核勘興核茂元而卽遣錦衣往逮是信茂元
不若信興之爲也孝宗初政可觀獨于倚任中官
之弊猶踵武英憲然則徒帛所餘之異不足爲國

家之祿而偏聽璫壘之私乃
真足以召陰陽之怪也歟

振應天浙江饑

時應天之蕪松等府浙江之嘉湖等府並以災告因
命工部侍郎徐貲協同都御史何鑑振之凡給穀米
五十六萬三千餘石帑金三千九百五十餘兩所活
飢民百二十萬有奇尋入特蠲南畿被災秋糧是年
北直隸及湖廣被災稅糧亦皆優免

五月定國子監生分撥歷事期

初洪武中國子監設六堂以課諸生行積分法歲內
積分八分者為及格格與出身不及者仍坐堂肄業又令
諸生于各司分習吏事謂之歷事又謂之撥歷其期
以入監者年月為先後送吏部選用其超異者奏請

上裁多擢顯官其常調者為府州縣六品以下官已而進士日重監生日輕雖積歷事不改初法而監生漸多淹滯撥歷或致十餘年之久景泰以後乃頻減撥歷歲月以疏通每歲揀選優者輒與之撥歷坐監有未及一年者及是監生在監者少而吏部聽送至萬餘人又不得官禮部尚書倪岳乃定議監生諸司歷事一年舊例必日月滿後方許分撥由是諸生在監稍久而選人亦不壅塞時林瀚為祭酒以監生不敷撥歷請增貢額岳亦議行之瀚典國學垂十年餽銀歲以百數計悉貯之官以次營立署舍師儒免僦居自**質實**積分之法司業二員分為左右各提調三瀚始**質實**堂凡通四書未通經者居正義崇志廣業一年半以上文理條暢者升修道誠心又一年半經史兼通文理俱優乃升率性升至率性乃積分其法孟月試本經義一道仲月試論一道詔誥表內科一道季月試經史策一道仲月試論一道文理俱優者

與一分理優文劣者與半分紀終者無分凡監生歷事吏部四十一名戶部五十三名禮部十三名大理寺二十八名通政司五名行人司四名五軍都督府五十名謂之正歷三月上選滿日增減不定又有諸司寫太戶部十名禮部十八名兵部二十名刑部十四名工部八名都察院十四名大理寺通政司俱四名隨御史出巡四十二名謂雜歷一年滿改上選林瀚字亨大閩人王世貞盛事述云林文安瀚子廷機孫燦俱為國子祭酒三代大司成近世所罕也

秋七月以宋儒楊時從祀孔子廟廷

正統中訓導王昌順請以時入祀孔廟下禮部議未及行至是特命從祀追封將樂伯位司馬光之次

質實

按明史禮志孔子廟從祀先儒為左邱明公羊高穀梁赤伏勝高堂生孔安國毛萇董仲舒后

蒼社子春王通韓愈胡瑗周敦頤歐陽修邵雍張載
司馬光程頤楊時胡安國朱熹張栻陸九淵呂祖謙
蔡沉真德秀許衡二十九人乃嘉靖以後更定之制
弘治中荀況戴聖劉向賈逵馬融何休王肅王弼杜
預吳澄十人未罷祀廬植鄭衆鄭元服虔范甯五人
未改祀于其鄉后蒼王通胡瑗歐陽修陸九淵五人
未從祀于是從祀先儒凡三十八人自楊時入祀為
三十九人孝宗寶錄言時位列司馬光之次而志述
先儒位次為程頤頤之次為時蓋分列兩廡則時
位次光而統左右廡序之則時又居頤之次也

廣西參將歐磐擊破平樂叛獍

潯江入平樂府境夾江南岸皆高山盤束遠達七八
百餘里謂之府江諸獍之所巢也由府江而西南百
六十里曰永安州故為立山鄉自成化中獍賊李公
主降始建州而州西茶山力山諸獍憑險阻與府江

賊相聲援于是並起為亂總督閔珪調兵六萬分四哨往討磐自象州修仁直搗六峒所向摧克遂偕諸軍連破山砦百八十六斬首六千有奇

質實

平樂三國吳置平樂

縣唐武德四年于縣置樂州貞觀八年改昭州天寶初曰平樂即元大德中改府明及今因之灘江源出興安縣海陽山流二百里至桂林府東北復繞流而南行至灘山北麓陽江流入焉又南合相思江入平樂府界一名府江亦名桂江茶山在永安州西四十里力山在州西南三十里六峒永安州之古造六峒與修仁山澤相連至為險阻毆磐滌人為險阻

八月馬湖土知府安鰲有罪伏誅改設流官知府

鰲性殘虐計口斂民財歲以銀萬計縱淫所部土婦用妖僧百足魔魅殺人怒其族長官王大慶不阿已

遣人殺之大慶關而逃乃殺其弟橫恣且二十年有
司利鰲賄置不問及是會事曲銳請巡按御史張鷟
按治按察使洪鐘贊決之捕鰲送京師寘極刑馬湖
自漢時為牂柯郡地尋沒于蠻唐設羈縻州四統名
馬湖部時安民已租稅其地為所私
質實馬湖元路
據者蓋數百年至是始設流官云
置土官總
管府洪武四年改府仍命安氏世襲知府今省府地
入屏山縣方輿紀要府西有廢浪川州廢馴州廢騁
州府南有廢瀉州唐所置羈縻州也曲
銳萊陽人張鷟字應祥陝西咸寧人

冬十二月復哈密

土爾番既襲執善巴令伊蘭據守哈密僭稱汗侵沙
州迫罕東諸部附已馬文升曰此寇桀驁不大創終
不知畏宜用漢陳湯故事襲斬之以指揮楊肅熟番
情召詢方畧肅備陳陳哈密可取狀文升請于帝敕發

罕東赤斤苦峪兵令副總兵彭清將之隸巡撫許進
往討進厚結土爾番世讐什呼圖使以四千騎先往
殺數百人什呼圖中流矢卒其子布拉噶岱憤欲報
父仇進復厚結之使斷賊道無東援伊蘭而重犒赤
斤罕東及哈密遺種居苦峪者令出兵助討于是清
以精銳千五百出嘉峪關前行進與總兵劉寧中官
陸閣統兵分數道繼之至伊濟穆爾川畢會薄暮大
風揚沙軍士寒慄僵卧馬下進出帳外勞軍有異鳥
悲鳴將士多泣下霑衣進慷慨曰男兒報國死沙場
幸耳何泣為將士皆感奮夜半風止大雨雪時番兵
集惟罕東兵未至衆欲待之進曰潛師遠襲利在捷
速兵已足用無待也冒雷倍道進奄至哈密城下伊
蘭已遁去拔其城俘誠八百訊之則皆哈密人為伊
蘭所劫者寧附進耳曰斬此八百人可侯矣進不可
撫定之探伊蘭所向分守要害疏請懷輯罕東諸衛
散土爾番黨與以孤其勢遂班師是役也文升授方

畧擬從罕東至哈密間道調罕東兵三千為前鋒持
數日糧兼程進而罕東兵失期進仍由故道伊蘭覺
之遂逸去斬獲無幾然番人素輕中國謂不能涉其
地至是始知畏其鄰部以開關不得貢胥怨之阿哈
瑪特亦悔後二年款關求貢以善
質實 哈密行程行
巴來歸仍命為忠順王鎮哈密
關外有三道中道自關西二十里至大草灘灘西三
十里至黑山兒七十里至回回墓墓西四十里至扇
馬城中有二水北流城西八十里至赤斤城城西二
百里至苦峪城東有河苦峪西一百二十里至王子
莊莊西八十里至布隆吉河俗名川邊河西一百五
十里至莽齋泉有水草泉西一百八十里至茨泉有
水草泉西一百五十里至那南那只令西一百里至
紅柳泉有水草泉西一百二十里至哈喇郭勒無水
草哈喇郭勒八十里至五箇井泉口井西一百二十
里至古墩子西一百里至雅克特穆爾泉口西八十

里至哈密城一道由苦峪南歧而少西經瓜州西阿
 丹六百二十里抵沙州即漢東左衛有水草逾布格寺七
 百里至哈密地雖坦而迂曲且無水草人罕由之一
 道自苦峪岐而少北至伊濟穆爾經阿赤等地皆山
 口石路甚為險阨馬必脚輒難行三道俱達哈密按
 此乃明時通哈密舊道也 本朝雍正二年建安西
 鎮于布隆吉五年改築鎮城于都爾伯勒津哈密絡
 聯其抵哈密之路又分為兩道一由安西鎮一由沙
 州由沙州者自州城東北庫克舒至峽口七十三里
 又二十五里至博羅川井六十五里至博羅托歡三
 十里至鎖鎮林二十五里至蘆杆泉七十九里至苦
 水百三十里至哈什布拉克八十里至哈密水尾三
 十五里至哈密城共六日程並汲新井有泉水惟蘆
 杆至哈什布拉克一程乏水必馱水行彭清字源潔
 榆林人 什呼圖舊作小禿列布拉噶岱舊作卜六
 阿歹伊濟穆爾川舊作羽集也川莽春舊作莽來哈

喇郭勒舊作哈喇骨布格舊作鉢和都爾伯勒津舊作杜爾伯津庫克薩克蘇舊作庫庫沙克舒博羅川

井舊作博羅川井博囉托歡舊作博羅肯

哈什布拉克舊作哈什布喇今並改

發明

考馬文升曾授方畧于彭清令取提經調番兵襲斬伊蘭意欲假道罕東為導耳許進既

會師于伊濟穆爾川矣而罕東失期不至自不可以坐待師貴神速若潛兵遠襲而塞上逍遙徒足啟敵人窺伺之隙進冒雪倍道而成功可謂知所權變者至不殺被俘之哈密八百人以冒功邀賞尤為人所難能胡世寧跋進所撰平番始末稱其結諸戎為智深入決勝為勇不殺脇從為仁雖榆楊或有溢詞然其善相機宜以視張海彭澤相去不可以道里許之矣

命內閣大學士撰三清樂章既而寢之

帝頗崇信齋醮因有是命大學士徐溥等言天至尊無對漢祀五帝儒者猶非之况三清乃道家妄說耳一天之上安得有三大帝且以周柱下史李耳當其一列人鬼于天神矯誣甚矣郊社樂章皆太祖所親製今使製為時俗詞曲以享神明褻瀆尤甚臣等于邪說俚曲素所不習不敢以非道事陛下近日經筵早休日講久曠異端乘間而入此皆臣等無狀不足以啟聖心保初政憂愧之至無以自容奏入帝嘉納之遂寢前命

發明

此即嘉靖時所謂青詞也徐溥等正言執奏力折矯誣其視顧昂臣袁煒之徒以贊元修

取客悅者相去遠矣孝宗即位之初誅李孜省竊鄧常恩趙玉芝異端方士斥逐一空乃至是復信道家之說崇祀三清豈遽忘孜省前事耶猶幸從諫轉圜遂寢樂章之命可謂善補過矣而中官李

廣顧仍以燒煉
齋醮得幸何哉

丙辰九年夏四月以周經為戶部尚書

經初為吏部侍郎佐尚書王恕秉銓以公正稱通政
司經歷沈祿者壽寧侯張璠妹婿也恕在告中官傳
旨擢祿本司參議經言非面承旨又無御批不敢奉
命復與恕爭之事雖不能止時論題焉靈壽奸民獻
地于中官李廣戶部持不得經倡九卿疏爭卒罪獻
地者至是代輩湮為戶部尚書時帝寬仁而戶部尤
奸蠹所萃挾勢行私者不得勝紀少不如意譏毀隨
之經悉按祖宗成憲無所顧四方告災必奏請蠲除
寬逋緩征裁節冗濫雍王祐檮乞衛州稅課司及衛
陽縣河泊所稅供王府用給事中魯昂請盡括稅役
金錢輸太倉經言不可帝嘉納之織造中官請增給
兩浙鹽課引二萬經以鹽筴佐邊不宜濫給先以裁

倉塲監督中官復增用少監莫英等三人經謂其徒
滋侵擾不可遣壽寧侯張鶴齡家人奪民田毆民至
死且請加徵莊田租經上疏劾論皆不聽然經遇事
輒諫雖言不盡用終不肯少依阿宦官貴戚咸憚而
疾之質實靈壽漢縣明屬真定府今屬正定府衛陽三國吳臨丞縣唐徙衛陽縣治于此明為衛州

府治今因之
魯昂吳江人

下給事中龐泮御史劉紳等六十二人于錦衣衛獄尋
釋之

御史劉遜既與同官姜紹勅中官蔣琮得罪謫澧州
判官尋遷武岡知州岷王不檢下遜裁抑之王怒王
支歲祿遜不以期給遂訐于朝帝遣錦衣官校逮遜
于是泮紳等偕同官上言錦衣天子親軍非重事不

宜輕遣遜坐給祿愆期而王奏牽左證百人勢難盡
逮請敕撫按官勘報帝以親王勅一州官輒交章奏
阻下泮紳等六十二人于錦衣衛獄六科署空吏部
尚書屠浦請命尚寶司及中書代收部院封事侍讀學
士楊守陞貽書極詆瀟失尋瀟與府部諸臣申救泮
等得釋貶四川行都司斷事而守陞書頗傳于世瀟
甚憾質實岷王益莊王梗曾孫簡王膺鉅也按明史
之質實諸王傳莊王初封岷州尋改雲南洪熙元
年徙武岡州三傳至簡王于成化十六年當襲封居
喪飲博無度承奉劉忠制禁之遂殺忠驗實革冠帶
停封居四年乃嗣麗泮字元化天台人
劉紳掖縣人楊守祉字維立鄆人

發明

劉遜以岷王不檢下思欲裁抑之本未可厚
非即歲祿不以期給其失亦細乃遽遣錦衣

伴紳等即率同官交章奏阻明代言官意氣相矜
遇事輒合詞爭論大率類此實為惡習孝宗欲矯

其弊而創懲之意非不善第以細故逮六十二人同時下獄科署為之一空抑復成何政體耶

六月詔舉將才

初宣德間定舉將才之制令天下都司歲選一人資遣至京都督府甄別錄用自天順末立武舉法材勇多由科目進後雖特詔舉用將才罕有應者至是馬文升請廣選舉令府部臺省諸人別其材所堪者以聞仍會官考校如武舉制帝然其言乃有是詔已而給事中蔚春又請數天下郡縣訪有山林之士材堪將帥者以禮聘之或掘總兵營或命專大鎮遠有成功賞及舉者帝亦從之然卒無以應詔也

蔚春合
肥人

免江西被災稅糧

時江西南昌等九府三十四縣並以災告乃命免稅糧五十萬八千餘石是年順天及河南湖廣被災稅糧並令有司察核蠲之

冬十二月刑部吏徐珪請革東廠黜為為民

帝改元之歲員外郎張倫請革東廠不報時司廠中官羅祥揚鵬稱敎戢無敢橫然已不勝弊滿倉兒之獄法司承鵬指問擬罪失平珪憤因抗疏論之滿倉兒者千戶吳能女也先是能以女付媒者鬻于樂婦張給曰此慶雲侯家後轉鬻樂工袁璘所能歿妻聶訪得之女怨母鬻已詭言非已母聶與子却女歸璘訟于刑部郎中丁哲員外郎王爵訊得情璘語不避哲咎璘璘歸數日而死御史陳玉主事孔琦驗瘞之鵬從子嘗與女淫教璘妻訐寃于鵬而令張指女為妹引前媒者証聶女固鬻于侯家此非是奏下鎮撫司

明季言官撻拾
虛詞自託高論
不過市名沽直
究于實政無裨
甚至朋黨互分
排擊異己更有
害于國政人心
孫磐所陳未嘗
不切中時弊然
欲定建言為四
等則亦拘迂而
未達事理蓋當
時競論嘵嘵負
氣與懷私叅半

坐哲爵等罪復下法司錦衣衛獄索女慶雲侯周或
家無有復命府部大臣及給事中御史廷訊張與女
始吐實法司坐哲因公杖人死當徒爵王琦及聶母
當杖而科女罪與母同珪言聶女之獄哲斷之審矣
鵬拷聶使誣服鎮撫司共相蔽欺陛下令法司錦衣
衛問懼東廠莫敢明至鞠之朝堂乃不能隱夫女誣
母僅擬杖哲反坐徒輕重倒置如此皆東廠威劫所
致也臣在刑部三年見鞠問盜賊多東廠鎮撫司緝
獲或校尉挾私誣陷或為人報讐或受首惡賊令傍
人抵罪刑官洞見其情無敢擅更一字以致枉殺多
人臣願陛下革去東廠以絕禍源則太平可致臣一
介微軀左右前後皆東廠鎮撫司之人禍必不免願
與其死于此輩孰若死于朝廷陛下斬臣首行臣言
雖死無恨帝以其狂誕發原籍為民哲等亦放歸觀
政進士孫磐上疏曰近者言官劾人率乘勢敗而排
觸奸倖反出胥吏議者羞之請定建言為四等最上

若在上者果能
虛中聽剖決真
偽以覈是非自
可以息羣囂而
除結習不此之
務而紛紛第其
高下又豈正本
清源之道乎

彈劾權貴其次補拾闕遺又其次建白時政有裨國
家皆分別擢叙粉飾文具徇然不言者黜之時不能
用後珪以薦仕為丞歷**質實**徐珪應城人丁哲嶧縣
通判論平盜功擢知州人王爵安福人陳玉輝
縣人孔琦長安
人孫磐遼陽人



御定資治通鑑綱目三編卷十六